




唐詩別裁

五律

地一

土岐文庫  
文庫17  
W93  
7





文庫 17  
W93  
7



唐詩別裁集引典備註卷九

長洲沈德潛歸愚選

後學俞汝昌增注

五言律詩

◎ 玄宗皇帝 姓李諱隆基睿宗子靖內難即位開元中在姚崇宋璟韓休張九齡

諸人治稱太平天寶後在李林甫楊國忠內寵太妃外寵邊將治亂較然矣安祿山反幸蜀太子即位靈武明年還京居西內崩唐祚自此不復再振太宗高宗中宗皆有詩然承陳隋之後古律俱未諸故以玄宗為始冠於唐初諸臣之上尊君也

經魯祭孔子而歎之

漢郡國志魯古奄國注孔子廟在魯城中墓去城一里

夫子何為者。栖棲一代中。地猶鄆氏邑。宅即魯王

卷九

010185140760

昭和六十年二月一日  
土岐幸吉磨氏寄贈



宮歎鳳嗟身否傷麟怨道窮今看兩楹奠當與夢  
時同孔子之道從何處贊歎故只  
孔安國書序魯恭王壞孔子舊宅以廣其居升  
堂聞絲竹之音乃不復壞論語鳳鳥不至  
公羊傳西狩獲麟孔子曰吾道窮矣禮  
孔子曰疇昔之夜夢坐奠于兩楹之間

送賀知章

遺榮期入道辭老竟抽簪豈不惜賢達其如高尚  
心寰中得秘要方外散幽襟獨有青門錢羣僚悵  
別深朱子云越州有石刻唐朝臣送賀知章詩只  
有明皇一首好愛其賢全其節兩得之矣  
晉韋護傳好儒學善著述於羣言秘要之  
義無不綜覽七啟雍容服豫娛志方外  
幸蜀西至劍門出竹山未解

一作空

劍閣橫雲峻鑿輿出狩回翠屏千仞合丹嶂五丁  
開灌木縈旗轉仙雲拂馬來乘時方在德嗟爾勒

銘才雄健有力開盛  
唐一代先聲

水經注小劍去大劍三十里連山絕巘飛閣相  
通謂之劍閣五丁見卷六李詩晉書張載  
字孟陽以蜀人持險好亂著銘作誠益州  
刺史張敏上其文武帝遣使鑄於劍閣

王績

唐隱逸傳績字無  
功自號東臯子

野望

東臯薄暮望徙倚欲何依樹樹皆秋色山山唯落  
暉牧人驅犢返獵馬帶禽歸相顧無相識長歌懷

卷九



采薇五言律前此失嚴者多應以此章為首通首只無相識意懷采薇偶然與寄古人也說  
詩家謂感隋之  
將亡母乃穿鑿

王勃

別薛華

送送多窮路。遑遑獨問津。悲涼千里道。悽斷百年身。心事同漂泊。生涯共苦辛。無論去與住。俱是夢中人。

杜少府之任蜀州

城關輔三秦。風煙望五津。與君離別意。同是宦遊人。

人海內存知己。天涯若比鄰。無為在岐路。兒女共

露巾。

史記項籍滅秦後分其地為三號曰三秦華陽國志蜀大江白湔堰下至犍為有五津一曰白華二曰萬里三曰江首四曰涉頭五日江南

楊炯華陰人舉神童為弘文館學士則大初左遷梓州叅軍終盈川令炯與王勃盧照隣駱賓王以文詞齊名稱王楊盧駱

也炯曰我愧在盧前耻居王後蓋不滿於子安也

從軍行

烽火照西京。心中自不平。牙璋辭鳳闕。鐵騎繞龍城。雪暗凋旗畫。風多雜鼓聲。寧為百夫長。勝作一



書生此泛言用武効刀勝於一經自守唐汝詢為朝廷尊寵武臣而盈川抱才不遇故爾心中

不平亦近於鑿

唐地理志上都初曰京城大寶元年曰西京漢孫寶傳心內不平周禮牙璋以起軍旅漢書左鳳闕右神明龍城單于祭天所也書千夫長百大長

◎盧照鄰

春晚山莊率題

田家無四鄰。獨坐一園春。鶯啼非選樹。魚戲不驚綸。山水彈琴盡。風花酌酒頻。年華已可樂。高興復

留人。清穩詩自開後人風氣

◎駱賓王

在獄詠蟬

西陸蟬聲唱。南冠客思侵。那堪玄鬢影。來對白頭吟。露重飛難進。風多響易沉。無人信高潔。誰為表

予心。賓王兵敗後史稱被誅或云亡命無下獄之說意未從敬業之前曾見繫也原序平反已矣等語見非討

武后之故甚明司馬彪續漢書曰行西陸謂之秋左晉侯見鍾儀問之曰南冠而縶者誰也有司對曰鄭人所獻楚囚也魏宮人莫瓊樹有蟬鬢白頭吟

卓文君作職林漢侍中冠加金璫附蟬取其居高食潔漢馬

宮傳行能高潔

◎蘇味道

蘇味道欒城人未弱冠成進士延載中歷官初同鳳閣鸞臺三品前後居相位數載事持兩端中無斷次人號蘇摸稜至賀三月雪為



瑞雪蓋謂佞人也後坐張易之黨貶死鄂州

正月十五夜

火樹銀花合。星橋鐵鎖開。暗塵隨馬去。明月逐人來。遊妓皆穠李。行歌盡落梅。金吾不禁夜。玉漏莫相催。

開元遺事韓國夫人上元夜然百枝燈樹高入十餘丈。庾信望月詩天漢看珠蚌。星橋視桂花。洛陽伽藍記鳥場園鐵鎖為橋懸虛為渡。漢制金吾禁夜行唯正月十五敕許金吾弛禁前後各一日謂之放夜。

◎韋承慶 字延休陽武人以孝聞舉進士補中書監少封扶揚縣子遷黃門侍郎卒

凌朝浮江旅思 一作馬周詩

天晴上初日。春水送孤舟。山遠疑無樹。潮平似不流。岸花開且落。江鳥沒還浮。羈望傷千里。長歌遣

四愁 二四眼前真景可悟畫理

文選有張衡四愁詩

◎劉希夷

晚春

佳人眠洞房。回首見垂楊。寒盡鴛鴦被。春生玳瑁牀。庭陰幕青靄。簾影散紅芳。寄語同心伴。迎春日薄粧。 六朝風致一語百媚



西京雜記趙飛燕為后女弟昭容上襪三十五條有鴛鴦被又韓嫣以璫珥為牀

陳子昂

晚次樂鄉縣

唐地理志襄陽郡有樂鄉縣

故鄉杳無際日暮且孤征川原迷舊國道路入邊城野戍荒煙斷深山古木平如何此時恨噉噉夜後鳴前此風格初成精華未備子昂崛起堅光奧響遂開少陵之先方虛谷云不但感遇為古調之祖其律詩亦近體之祖也

春日登九華觀

白玉仙臺古是坤別望遙山川亂雲日樓榭入煙

齊鶴舞千年樹虹飛百尺橋還逢赤松子天路坐相邀

西京賦美往昔之松喬要羨門乎天路

度荆門望楚

唐地理志江陵府有荆門縣

遙遙去巫峽望望下章臺巴國山川盡荆門煙霧開城分蒼野外樹斷白雲隈今日狂歌客誰知入楚來序自蜀人楚道路結言楚有狂歌之士今反狂歌入楚也巫峽在蜀左注章華臺在華容城內山海經西南有巴國

春夜別友人



銀燭吐青煙。金尊對綺筵。離堂思琴瑟。別路繞山川。明月隱高樹。長河沒曉天。悠悠洛陽去。此會在今何年。

穆天子傳天子之珩璇珠銀燭。謝眺詩離堂華燭盡。別幌清琴哀。蜀都賦堂撫琴瑟。

### 送魏大將軍

匈奴猶未滅。魏絳復從戎。悵別三河道。言追六郡雄。雁山橫代北。狐塞接雲中。勿使燕然上。唯留漢將功。

絳本和戎。今日從戎。此活用之法。一結雄軍。史記霍去病傳天子為治第。曰匈奴未滅。何以家為。左魏絳日和戎有五。焉河東河內河南謂三河。漢書趙充國以六郡良家子補羽林。注六郡金城隴西天水安定北地上郡也。

一統志。鴈門山在代州北三十五里。艾利。即食其日。距飛狐之日。注飛狐代郡西南。名。雲中郡名。後漢竇憲破匈奴。勒功燕然山上。

### 送別崔著作東征

晉職官志著作郎周左史之任也。魏明帝太和中詔置著作郎。隸中書省。

金天方肅殺。白露始專征。王師非樂戰。之子慎佳

兵。海氣侵南部。邊風掃北平。莫寶盧龍塞。歸邀麟

閣名。魏志田疇入徐無山中躬耕。百姓歸之。太祖

白檀之險路近而便。太祖引軍出盧龍大斬獲。論

功行封疇不受曰。豈可賣盧龍塞。以易賞哉。詩

意以慎佳。兵為主。呂春秋白露降。天子乃命將帥厲兵以征。不義



子佳兵不詳之器。後漢南匈奴傳左賢王將其衆及南部五骨都侯。一統志永平府秦爲平郡。右北。

杜審言

蓬萊三殿侍宴奉敕詠終南山

雍錄三殿者南北相重先合元次宣政又次紫宸南部新書大明宮有麟德殿其殿三面亦以三殿名或曰三殿謂蓬萊拾翠紫微也。

北斗挂城邊。南山倚殿前。雲標金闕迥。樹杪玉堂懸。半嶺通佳氣。中峯繞瑞煙。小臣持獻壽。長此戴堯天。  
初唐五言律不用雕鏤然後人雕鏤者正不能到故曰天巧若拙陳杜沈宋足以當之詩詠終南而通說蓬萊此應制體也

史記帝堯者其仁如天

秋夜宴臨津鄭明府宅

唐地理志景州有臨津縣

行止皆無地。招尋獨有君。酒中堪累月。身外即浮雲。霜白宵鐘徹。風清曉漏聞。坐攜餘興往。還似未離羣。  
累月浮雲妙用活對月與雲皆活用也故下有霜風字而不嫌其復謝靈運詩越叟識行止蜀都賦一醉累月山海經豐山有九鐘霜降則自鳴

夏日過鄭七山齋

其有尊中好。言尋谷口來。薜蘿山逕入。荷芰水亭開。日氣含殘雨。雲陰送晚雷。洛陽鐘鼓至。車馬繫



遲迴寫日中之雨雨後

後漢書孔融歎曰坐上客常滿尊中酒不空吾無憂矣高士鄭子真居谷口

和晉陵陸丞早春遊望

一統志江南常州府晉為晉陵郡通典隋開皇中改都督治為丞

獨有宦遊人偏驚物候新雲霞出海曙梅柳渡江

春淑氣催黃鳥晴光轉綠蘋忽聞歌古調歸思欲

沾巾末二句指陸丞之詩言陸懷歸井動已之歸思也

登襄陽城

漢地理志南郡縣襄陽注在襄水之陽

旅客三秋至層城四望開楚山橫地出漢水接天

回冠蓋非新里章華即舊臺習池風景異歸路滿

塵埃冠蓋里章華臺習池皆在襄陽古詩不應空寫即此可悟

襄陽耆舊傳峴山南至宜城閭里填列漢宣時有卿士刺史二千石數十家刺史行部見之敕縣各為冠蓋里左楚子成章華之臺一統志臺在荊州府境一在監利縣東北襄陽記漢侍中習郁於峴山南作魚池七邊種竹及長楸芙蓉菱茨是游燕名處也

送崔融

唐書融字安成齊州全節人擢入科高第武后美其文進鳳閣舍人

君王行出將書記遠從征祖帳連河開軍麾動洛

城旌旆朝朔氣笳吹夜邊聲坐覺烟塵埽秋風古

北平

卷九

九



送高郎中北使

北狄願和親。東京發使臣。馬銜邊地雪。衣染異方塵。歲月催行旅。恩榮變苦辛。歌鐘期重錫。拜手落

花春。

左鄭人賂晉侯歌鐘二肆女樂二八晉侯以樂之半賜魏絳曰子教寡人和諧成狄八年之中九合諸侯如樂之和無所不諧請與子樂之

賦得妾薄命

草綠長門掩。苔青永巷幽。寵移新愛奪。淚落故情留。啼鳥驚殘夢。飛花攪獨愁。自憐春色罷。團扇復

迎秋。漢代后廢每居長門宮人廢每居永巷六詩隨字本經語抵攬我心謂亂也

花

好

輔黃圖長門宮離宮在長安城又永巷宮中長巷幽閉宮女之有罪者武帝時少為掖庭諸獄焉班婕妤好怨歌行裁成合歡扇團七似明月

沈佺期

銅雀臺

昔年分鼎地。今日望陵臺。一旦雄圖盡。千秋遺令

開。綺羅君不見。歌舞妾空來。恩共漳河水。東流無

重回。雲卿近體吞吐含芳安詳合度不必陳之簡魏武意於言外見之古人

輕重之重與重疊之重通用

史記三分天下鼎足而居

巫山高

卷九



樂錄漢鼓吹鏡歌十  
八曲七日巫山高

巫山高不極。合沓狀奇新。暗谷疑風雨。陰崖若鬼神。  
神月明三峽曉。潮滿九江春。為問陽臺客。應知入夢人。

三峽西陵峽歸鄉峽巫峽也潯陽地記九江一烏白江二湔江三烏江四嘉靡江五岷江六源江七廩江八提江九茵江

### 被試出塞

十年通大漠。萬里出長平。寒日生戈劍。陰雲拂旆旌。  
饑烏啼舊壘。疲馬戀空城。辛苦旱蘭北。胡塵損漢兵。

唐地理志澤州高平縣有長平關統志阜蘭山在臨洮府蘭縣南五里

### 送金城公主適西番應制

金榜扶丹掖。銀河屬紫闈。那堪將鳳女。還以嫁烏孫。  
玉就歌中怨。珠辭掌上恩。西戎非我匹。明主至公存。  
極周旋正是極不堪處

### 遊少林寺

一統志少林寺在河南登封縣西少室山北麓達摩居此面壁九年

長歌遊寶地。徙倚對珠林。鴈墀風霜古。龍池歲月深。  
紺園澄夕霽。碧殿下秋陰。歸路煙霞晚。山蟬處處吟。



佛經黃金七寶為地摩尼珠為林佛書西域  
有此正見羣鴈飛日可充我食鴈即墮地佛曰  
此鴈王也不可食乃立鴈壇河南志九龍  
潭在登封少林寺庾信詩出旬柴繯園

早發平昌島

一統志濟南府德平縣漢為平昌縣

解纜春風後鳴榔曉漲前陽鳥出海樹雲鴈下江  
煙積氣衝長島浮光溢大川不能懷魏闕心賞獨

冷然

西征賦鳴榔廣雅日一名陽鳥也廣雅日一名陽鳥莊子身在汪海之上心居魏闕之下又列子御風而行冷然善也

夜宿七盤嶺

一統志七盤嶺在鎮中府襄城縣治北

獨遊千里外高卧七盤西山月臨窗近天河入戶

低芳春平仲綠清夜子規啼浮客空留聽襄城聞

曙雞平仲木名見吳都賦聽與聞複結處每不用力為昭容所抑亦出于此

雜詩

聞道黃龍戍頻年不解兵可憐閨裏月偏照漢家  
營少婦今春意良人昨夜情誰能將旗鼓一為取

龍城魏字複

通典契丹部落于黃龍之北

隴頭水



隴山飛落葉。隴鴈度寒天。愁見三秋水。分爲兩地泉。西流入羌郡。東下向秦川。征客重回首。肝腸空自憐。

隴山在隴州阪上。清水四注。俗云隴頭流水。水鳴聲幽咽。遙望秦川。心肝斷絕。

宋之問

夏日仙萼亭應制

高嶺逼星河。乘輿此日過。野合時雨潤。山雜夏雲多。瘡藻光巖穴。宸襟洽薜蘿。悠然小天下。歸路滿笙歌。

春日芙蓉園侍宴應制

芙蓉秦也。盧橘漢家園。谷轉斜盤徑。川迴曲抱

一有人焉能言侍宴瑤池夕歸途騎

登封途中作

紀登封泰山。至於梁父。唐書高宗元年正月封泰山。禪社首郡縣志。漢書縣高則天。因岳改登封。

帳殿鬱崔嵬。仙遊實壯哉。晚雲連幕捲。夜火雜星回。谷暗千壑出。山鳴萬壑來。扈從良可賦。終乏拔天才。



埃守展義

玄

三二作一

舊唐書殿受勅負蓋行幸時幄  
齊作蜀都賦摘藻揆天庭

送沙門弘景道俊玄奘還荊州應制

後漢書云沙門漢言息心削髮  
出家絕精洗欲而歸於無為也

三乘歸淨域萬騎餞通莊就日離亭近彌天別路  
長荆南旋杖鉢滑北限津梁何日紆真果還來入

帝鄉弘景道俊未詳玄奘於貞觀中歷西域取經  
歸翻譯入藏高宗勅還荊州羣僚餞之彌

大猶逸天  
此僧家語

唐法華經如來拔濟衆生為說三乘聲聞辟  
支佛乘而作是言披三乘本佛經語今借以  
指三人乘市而行爾雅六達謂之莊高僧  
傳習鑿齒詣道安曰四海習鑿齒答曰彌天釋  
迦安鑿齒與道安書夫不終  
期而兩六合者彌天之雲也

奉和立春日侍宴內出剪綵花應制

景龍文館記景龍四年正月八日立春  
上令侍臣自芳林門經苑東展仗人至  
望春宮迎春內出綵花樹人賜一枝  
龍中宗孝和帝以立春日宴別殿內  
出剪綵花令  
學士賦詩

金閣妝仙杏瓊筵弄綺梅人間都未識天上勿堯

開蝶繞香絲住蜂尋艷粉翅今年春色早應為剪

刀催

留別

同氣有三人飛在處西馳四  
濱強飲離前酒終傷別  
誰憐  
獨  
口

卷九

十四



南春

詩疏鄭以為花下有鄂鄂下有  
鄂以承華華鄂相覆而光明猶  
顯鄂同鄂漢地理志曰南郡  
故秦象郡師古曰言在日之南

途中寒食

馬上逢寒食愁中屬暮春可憐江浦望不見洛橋

人北極懷明主南溟作逐臣故園腸斷處日夜柳

條新平易近人何嘗不佳  
州時作結處又屬與四  
詩應

登禪定寺閣

梵宇出三天登臨望八川開襟坐背漢揮手拂雲

壑南谷青山外昆明落日邊東京楊柳陌少別已

經年

江總詩梵宇調心易禪庭數息難  
三清境者玉清上清太清也亦名三天三天者  
清微天禹餘天大赤天是也  
南谷關名昆明池名

度大庾嶺

一統志嶺在廣東南雄府城北入十里  
漢將有姓峽者成此故名以其多梅亦  
曰梅嶺

度嶺方辭國停輶一望家魂隨南翥鳥淚盡北枝

花山雨初含霽江雲欲變霞但令歸有日不敢怨

長沙

史記注輶一馬車也禽經越雉鷓鴣飛必  
南翥白帖大庾嶺上榜南枝塔北枝開  
卷九



詠長沙  
王太傅

題大庾嶺北驛

陽月南飛鴈傳聞至此迴  
我行殊未已何日復歸  
來江靜潮初落林昏瘴不開  
明朝望鄉處應見隴

頭梅隴頭疑是嶺頭

爾雅十月為陽

陸渾山庄

歸來物外情負杖闌巖耕  
源水看花入幽林採藥  
行野人相問姓山鳥自呼名  
去去獨吾樂無能愧此生

顧延之詩反稅事巖耕為經鳩啼自呼其名或曰鳥名大抵因聲而起專指非也

李嶠

長寧公主東莊侍宴

唐書長寧公主韋庶人所生下嫁楊慎交造第西京右屬都城未煇大道築山浚池帝及后數臨幸置酒賦詩

別業臨青甸鳴鑿降紫霄  
長筵鷓鴣集仙管鳳凰

調樹接南嶺近煙含北渚遙  
承恩咸已醉戀賞未

還鑣無君

禽經注鷓鴣小不踰大飛有次序百官之象也一庾信所記五帝歌猶吹鳳皇管尙對梧桐園南山終南山也楚詞帝子降兮北渚

青甸  
東郊也



送金城公主適西番應制

漢帝撫戎臣，比天孫 詔命錦輪還。將弄機女，西戎 遠嫁織皮

人。曲怨關山月，川王姬事 粧消道路塵。所嗟穠李樹，空對小

榆春。公主和番稱國事，詔 禮王言，古詩織纈濯素手，札札弄機杼。

水又東逕允川而 歷大榆小榆谷北。

宗楚客，字子敖，蒲州人，擢進士第，諂事韋后，謀弒逆中宗，中書令，害忠良，并與

兵靖亂，誅韋后，武三思，楚客亦伏誅。

泰和人日清暉樓宴羣臣遇雪應制

雍錄清暉閣在太液池東北

竊窕神仙閣，參差雲漢間。九重中禁啟，七日早春

還。太液天為水，逢萊雪作山。今朝上林樹，無處不

堪攀。

長孫正隱 未詳

晦日宴高氏林亭同用華字

晦晚屬煙霞，遨遊重歲華。歌鐘雖戚里，林藪是山

家。細雨猶開日，深池不漲沙。淹留迷處所，巖岫幾

重花。

郭振

塞上



微

其上虜塵飛。頻年出武威。死生隨玉劍。辛苦向金

微

重圍。武威故休屠王地。通典霸糜州有金微山。漢武紀昆邪王并其衆來降置五屬國以處之。以其地爲武威酒泉郡。

蘇頌

奉和登驪山高頂應制

長字記驪山在昭應縣車二十里卽藍田山也。

仙躡御層氛。高高積翠分。巖聲中谷應。天語半空聞。豐樹連黃葉。函關入紫雲。聖圖恢宇

橫汾

廣肩吾詩。遙識魏臺樹。老子過函谷關紫氣浮關。漢武故事。帝幸河東中流飲。燕作秋風辭云。泛樓船兮濟汾。河橫中流兮揚素波。

崔湜

字澄。定州人。少成進士。官左補闕。三思遷兵部侍郎。又附上官。詔容轉中書侍郎。平章事。以事左轉襄陽刺史。韋庶人誅。朝復拜中書令。蕭志忠誅。湜流嶺外。後知湜本謀賜死。

折楊柳

樂府橫吹曲。有折楊柳。

一月風光半。三邊戍不還。年華妾自惜。楊柳爲君攀。落絮紫衫袖。垂條拂髻鬟。那堪音信斷。流涕望

卷九

十六



陽關

張說

恩敕麗正殿書院宴應制得林字

唐張說傳上置酒集仙殿曰朕今與賢者樂於此當遂為集賢殿乃改麗正書院為集賢殿書院而授說院學士

東壁圖書府西園翰墨林。誦詩聞國政講易見天心。位竊和羹重恩叨醉酒深。載歌春興曲情竭為

知音

晉天文志東壁二星主文章天下圖書之秘也。星明王者興道術行國多君子。陳思王西園書若作和羹雨惟陳思王

岳州燕別潭州王熊

唐地理志岳州巴陵郡名畫說正熊官潭州都督與張燕公唱和

縉雲通省閣。清水遶西東。然諾心猶在。容華感不  
同。孤城臨楚塞。遠樹入秦宮。誰念三十里。江潭一  
老翁。

古今考兵部稱西曹又曰樞省又曰縉雲司唐汝詢云首二句言與王同為夏官而忽分流也

深渡驛

旅宿青山夜。荒庭白露秋。洞房懸月影。高枕聽江  
流。猿響寒巖樹。螢飛古驛樓。他鄉對搖落。併覺起  
離憂。

卷九



往

還至端州驛前與高六別處

舊館分江口。凄然望落暉。巨說。是。別。合。及。別。相逢傳旅食。臨別換征衣。昔記山川是。今傷人代非。往來皆此路。生死。不。同歸。燕公嘗貶岳州。與高遇而旋別。及召還。而高已辭世。念及解衣推食。情事凄然。今地。是非。人。非。死。生。異。路。不。勝。悼。歎。也。

岳州贈廣平公宋大夫

亞相本時英。歸來復國楨。朝推長孺直。野慕隱之。白。謂。清傳節。還闕嶂。皇華入漢京。寧思江上老。歲晏獨無成。

和魏僕射還鄉

富貴還鄉國。光華滿舊林。秋風樹不靜。君子歎何也。用季子。非之用。疏也。深故老。空懸劍。鄰交日散金。衆芳搖落盡。獨有歲寒心。

幽州夜飲

涼風吹夜雨。蕭瑟動寒林。正有高堂宴。能忘遲暮心。軍中宜劍舞。塞上重笳音。不作邊城將。誰知恩遇深。此種結後。惟老杜有。之。遠。臣。宜。作。是。想。

南中別蔣五岑向青州

老親依北海。賤子棄南荒。有淚皆成血。無穀不斷腸。此中逢故友。彼地送還鄉。願作楓林葉。隨君度



洛陽

漢地理志北海郡景  
帝中二年置屬青州

南中贈高六箴

北極辭明代南溟宅放臣丹誠由義盡白髮帶愁  
新鳥墜炎洲氣花飛洛水春平生歌舞席誰憶不  
歸人

莊子海運則將徙于南溟南溟者天池也  
洲記炎洲在南海中有風生獸積薪燒之不燃

張九齡

字子壽曲江人

望月懷遠

作至希

海上生明月天涯共此時情人怨遙夜竟夕起相

燭

佳期

思滅燭燐光滿披衣覺露滋不堪盈手贈還寢夢

陸機詩照之有餘  
輝攬之不盈手

旅宿淮陽亭口號

唐地理志陳  
州淮陽郡

日暮荒亭上悠悠旅思多故鄉臨桂水今夜眇星  
河暗草霜華發空亭鴈影過興來誰與語勞者自  
為歌故鄉臨韶州之桂水旅中念及眇  
若天河此種活對度人無限金針  
韓詩傳伐木廢朋友  
之道缺勞者歌其事

折楊柳

卷九



纖纖折楊柳。持此寄情人。一枝何足貴。憐是故園春。遊景那能久。芳菲不及新。更愁征戍客。客鬢老邊塵。

湖口望廬山瀑布水

萬丈紅泉落。迢迢半紫氛。奔流下雜樹。洒落出重

雲。日照虹霓似。天清風雨聞。靈山多秀色。空水其

氤氳。任華愛太白瀑布詩係海風吹不斷。江月照還空。二語此詩正足利敵。

謝靈運山居賦託丹砂於紅泉注丹砂處則有紅泉說文雄曰虹雌曰霓

孫逖

宿雲門寺閣

一統志寺在浙生江紹興府雲門山

香閣東山下。燭花象外幽。懸燈千嶂夕。卷幔五湖

秋。畫壁餘鴻鴈。紗牕宿斗牛。更疑天路近。夢與白

雲遊。于嶂夕五湖秋承象外幽言之五言寺之古六言閣之高

孫綽遊天台賦散以象外之說枝乘樂府天路隔無期

梁獻未

王昭君

圖畫失天真。容華坐誤人。君恩不可再。妾命在和

親。淚點關山月。衣銷邊塞塵。一聞陽鳥至。思絕漢

宮春。安命語實深于怨唐人詠昭君者多纖巧悟俗此作故雅音若少陵羣山萬壑走崩



門筆如游龍  
不可方物矣

詳卷一 昔陽鳥攸居  
傳隨陽之鳥鴻鴈之屬

崔顯

贈梁州張都督

舊唐地理志梁州興元  
府武德七年置都督府

聞君為漢將。虜騎罷南侵。出塞清沙漠。還家拜羽

林風。霜臣節。苦歲月。主恩深。為語西河使。知子報

國心。末語予字都督自謂欲虜地知其忠勇報  
國之心不敢犯邊也此種結法少陵有之

職官志左右羽林軍統領北衙禁兵督攝左  
右廂飛騎地理志汾州西河郡有西河縣

送單于裴都護赴西河

舊唐地理志秦漢時雲中郡  
德元年改為單于大都護府

征馬去翩翩。城秋月正圓。單于莫近塞。都護欲臨

邊。漢驛通煙火。胡沙乏井泉。功成須獻捷。未必去

經年。

題潼關樓

雍錄潼關在華州華陰縣  
東北有潼水因以名關

客行逢雨霽。歇馬上津樓。山勢雄三輔。關門扼九

州。川從陝路去。河繞華陰流。向晚登臨處。風煙萬

里愁。

漢百官表右扶風與左  
馮翊京兆尹是為三輔

卷九



劉脊虛

寄江滔求孟六遺文

南望襄陽路非匹思君情轉親。偏知漢少廣應與孟家

鄰。在日貪為善。昨來聞更貧。相如有遺草。為一問

家人。不負死友古交誼。遺

漢相如傳相如家茂陵為一卷書未死時曰有使者來求書奏之乃言封禪事

闕題

道由白雲盡。春與青溪長。時有落花至。遠隨流水

香。閒門向山路。深柳讀書堂。幽映每白日。清輝照

衣裳。每事過求則當前妙境忽而不此章方見其自然之趣

張子容

襄陽人與孟浩然同隱鹿門山開元初擢進士為樂城令

送孟浩然歸襄陽

東越相逢地。西亭送別津。風潮看解纜。雲海去愁

人。鄉在桃林岸。山連楓樹春。因懷故園意。歸與孟

家鄰。

貶樂城尉日作

竄謫邊窮海。川原近惡谿。有時聞虎嘯。無夜不猿

啼。地暖花長發。巖高日易低。故鄉可憶處。遙指斗

牛西。

賀知章

字季真越州永興人登聖初擢進士累遷太常博士開元初遷禮部侍郎

卷九



兼集賢殿學士天寶初乞為道士詔賜鏡湖一曲御製詩送行并令朝臣賦詩餞送傳為盛事

### 送人之軍中

常經絕脈塞復見斷腸流送子成今別令人起昔愁隴雲晴中雨邊草夏先秋萬里長城寄無貽漢國憂

史記蒙恬傳恬起臨洮屬之遼東城塹萬餘里不能無絕地脈隴頭流水所賜斷絕鮑照詩長城地勢險萬里與雲平

陶翰

### 新安江行

輿圖備攷徽州晉曰新安有新安江離三百六十

江源瑯去永野飯暫維梢古戍懸漁網空林露鳥巢雪晴山脊見沙淺浪痕交自笑無媒者逢人作

解嘲

漢書揚雄解嘲

王維

右丞五言律有二種一種以清遠勝如行到水窮處坐看雲起時是也一種以雄渾勝如天官動將星漢地柳條青是也當分別觀之

從岐王過楊氏別業應教

岐王名範玄宗弟

楊子談經處淮王載酒過興闌啼鳥換坐久落花多逕轉迴銀燭林開散玉珂巖城時未啟前路擁

卷九



笙歌

揚子雲比楊氏淮王北岐王三日言賞  
玩之入也後言深夜始歸餘情無盡

同崔員外

秋宵寓直

禁中直宿

建禮高秋夜

虛名承明

候曉過九門寒漏徹萬井曙鐘

多月迴藏珠斗雲消出絳河更慙衰朽質南陌共

鳴珂

禮

天子有九門

漢書天子畿內堤封百萬井

又日月如合

曜五星如連珠

初學記天河

亦名絳河

酬張少府

晚年惟好靜萬事不關心自顧無長策空知返舊林松風吹解帶山月照彈琴君問窮通理漁歌入

浦深

結意以不答答之

輞川開居贈裴秀才迪

唐書本傳維別墅在輞川地奇勝有亭子岡敦湖竹里館柳浪柴黃堦幸夷為

寒山轉蒼翠秋水自潺湲倚杖柴門外臨風聽暮

蟬渡頭餘落日墟里上孤煙復值接輿醉狂歌五

柳前

日字複

山居秋暝

空山新雨後天氣晚來秋明月松間照清泉石上

流竹喧歸浣女蓮動下漁舟隨意春芳歇王孫自

可留

卷九

六

柳



歸嵩山作

說文中

嶽嵩高山也後漢郡川陽城有嵩高山

清川帶長薄車馬

去閒閒流水如有意暮禽相與

還荒城臨古渡落日滿秋山

迢遞出高下歸來且

閉關

寫人情物性每在有意無意間

陸機詩清川帶葑薄又接轡遵長薄

朝川閒居

一從歸白社不復到青門時倚簷前樹遠看原上

村青菰臨水映白鳥向山翻寂寞於陵子桔槔方

灌園三四天然

洛陽建春門外有白社青門京城門名於陵仲子為灌園則俯舍之則仰韻會棹汲水機

終南山

太乙近天都連山到海隅白雲迴望合青靄入看

無分野中峯變陰晴衆壑殊欲投人處宿隔水問

樵夫近天都言其高到海隅言其遠分野二句言其大四十字中無所不包手筆不在杜陵下

或謂末二句似與通體不配今玩其語

五經要義太乙一名終南山勝志終南山道書謂之太乙山晉書天都星主衣裳文繡天

晚春嚴少尹與諸公見過

卷九



松菊荒三徑。圖書共五車。烹葵邀上客。看竹到貧  
家。雀乳先春草。鶯啼過落花。自憐黃髮暮。一倍惜  
年華。

王羲之 薛稷題看竹

陶潛歸去來辭三徑就荒松菊猶存 莊子  
惠施多方其書五車其道外駁其言也不中

### 過香積寺

雍錄香積寺在  
子午谷正北

不知香積寺。數里入雲峯。古木無人徑。深山何處  
鐘。泉聲咽危石。日色冷青松。薄暮空潭曲。安禪制

### 毒龍

南征賦令築室以安禪 法苑珠林西方山中  
有池毒龍居之昔五百商人上宿池側龍怒汎

殺商人繫附于學婆羅門咒就池咒  
龍龍化為人悔過向王王乃捨之

### 登辨覺寺

竹逕從初地。蓮峯出化城。窗中三楚盡。林外九江  
平。軟草承趺坐。長松響梵聲。空居法雲外。觀世得

### 無生

法苑珠林十地頌曰如竹破初節餘節速能破  
得初地真智諸地疾當得華山志華山頂上  
有蓮華峯法華經法華道師多諸方便於險  
道中化作一城度極之衆生安穩想華嚴經  
不外法雲一環珞經觀世如幻化  
楞伽經除住三昧是名無生

### 送嚴秀才還蜀

唐選舉志詔諸州明經  
秀才歲隨方物入貢



寧親為令子。似舅即賢甥。別路經花縣。還鄉入錦城。也山臨青塞斷。江向白雲平。獻賦何時至。明君憶

長卿

揚子孝莫大乎寧親。宋書褚淵謂任昉父曰。開卿有令子。晉書何無忌劉牢之之甥。酷似其舅。又潘岳為河陽令。植桃李花。人號洛陽一縣花。成都記府城呼為錦官城。史記司馬相如字長卿。

送張判官赴河西

單車曾出塞。報國敢邀勳。見遂張征虜。今思霍冠軍。沙平連白雪。蓬卷入黃雲。慷慨倚長劍。高歌一

送君

蜀漢先主定江南以張飛為宜都太守征虜將軍。漢霍去病傳封去病為冠軍侯。

同崔興宗送瑗公

言從石菌閣。新下穆陵關。獨向池陽去。白雲留故

山。綻衣秋日裏。洗鉢古松間。一施傳心法。唯將戒

定還。以初從為綻。猶以漸為所。以治為亂也。

真圖備收湖廣郴州石菌山有仙亭鐵瓦石壁。扁曰豐鳴閣。又穆陵關在青州府臨朐縣大峴山上。又池州隋曰池陽。漢地理志右扶風縣池陽。楞嚴經攝心為戒。因戒生定。因定發慧。足名三無漏學。

送平淡然判官

不識陽關路。新從定遠侯。黃雲斷春色。畫角起邊

卷九

二五

案



愁瀚海經年到交河出塞流須令外國使知飲月

支頭何奴破月支王以其頭為飲器今借來活用

一統志陽關在陝西慶壽昌縣西六里後漢書班超封定遠侯史記注瀚海北海名交

河在西域

送趙都督赴代州

地理志代州屬雁門郡武德七年置都督府

天官動將星漢地柳條青萬里鳴刁斗三軍出井

徑忘身辭鳳闕報國取龍庭豈學書生輩臆問老

一經

史記天官書注星有專卑若官曹列位故曰天官隋天文志天將軍十二星在黃北中央大

星天之大將也大將星搖兵起大將出唐地理志鎮州獲鹿縣有故井徑闕一名土門闕

送方城韋明府

左楚國方城以為城注方城山在南陽葉縣南

遙思葭莩際寥落楚人行高鳥長淮水平蕪故郢

城使車聽雉乳縣鼓應鷄鳴若見州從事無嫌手

板迎

淮水名郢楚都後漢魯恭傳恭為中牟令河

南尹袁安使掾肥親往廉之恭隨行阿陌俱坐

桑下雉過旁有童兒親曰何不捕之兒言雉方

將雛親瞿然如打五鼓雞鳴天欲曙鄧侯拖不

人歌之曰統如去周禮疏古有簡策以記事君

前以笏後代用

簿簿今手板



送梓州李使君

一統志四川潼川州唐為梓州

萬壑樹參天，千山響杜鵑。山中一夜雨，樹杪百重泉。

中復用流水對古人中亦偶見 漢女輸幢布，巴人訟芋田。文翁翻教授，不敢倚先賢。

結意言時之所急在征戍而文翁治蜀翻在教授準之當今恐不敢倚先賢也然此亦須

看

禽經江左曰子規蜀在曰杜鵑蜀都賦布有

撞華注撞樹名其花柔毳可績為布元和志祥

州輪布也漢書蜀車氏曰岷山之下有踐鵲注

郡守修起學宮招子弟為學宮弟子蜀地大化

送劉司直赴安西

絕域陽關道，胡沙與塞塵。三春時有雁，萬里少行人。

人昔蓓隨天馬，葡萄逐漢臣。當令外國懼，不敢覓

和親。一氣渾淪神勇之技

史記大宛俗嗜酒馬嗜苜蓿漢使取其實來離

宮別觀盡種蒲桃苜蓿天宛傳天子得烏孫

馬名曰天馬及得大宛汗血馬更名烏孫馬曰西極名大宛馬曰天馬

送張五諲歸宣城

五湖千萬里，况復五湖西。漁浦南陵郭，人家春穀

溪。欲歸江淼淼，未到草萋萋。憶想蘭陵鎮，可宜猿

耍啼。唐地理志南陵屬宣州漢地理志丹陽郡縣

春穀謝眺詩山積陵陽阻溪流春穀泉又東

卷九 三



海郡縣  
蘭陵

送賀遂員外外甥

南國有歸舟。荆門沔上流。蒼茫葭菼外。雲水與昭  
正。檣帶城鳥去。江連暮雨愁。猿聲不可聽。莫待楚

山秋。情思超然  
清尊衆妙

水經注荆門山上合下開其狀似門 登樓賦西接昭立荆州記當陽縣東有楚昭王墓

送楊長史赴果州

一統志順慶府南充縣本漢巴郡地唐初折置果州

褒斜不容幘。之子去何之。鳥道一千里。猿聲十二  
時。官橋祭酒客。山木女郎祠。別後同明月。君應聽

子規。子規叫不如歸也  
蓋望其歸也

梁州記沔漢上七里有褒斜谷 說文幘車幘也 原注漢法上客曰酒祭酒 水經注楊州城南有女郎山上有神祠俗謂之女郎祠左右民祀焉

送邢桂州

鑿吹喧京口。風波下洞庭。蘋圻將赤岸。擊汰復揚

舠。日落江湖白。潮來天地青。明珠歸合浦。應逐使

臣星。三四當句對復用活對潮來句奇警未諷以不貪也古人運意曲折微婉後漢書孟嘗字

伯周遷合浦太守先時宰守貪珠徙交趾嘗到官去珠復還

唐樂志凡鼓吹五曲部三鏡吹京口卽鎮江洞庭湖在岳州一統志嘉圻城在太平府繁昌縣西南十里晉桓溫入朝至嘉圻有詔止溫溫遂築城居此 兖州記瓜步山東五里江有



赤岸山楚詞乘船余上沅兮齊吳榜而擊  
汝注船船有窗牖者汝水波也晉天文志  
流星天使也

送王為落第歸江東

憐君不得意况復柳條春為客黃金盡還家白髮

新五湖三畝宅萬里一歸人反用孔融薦禰衡事不能薦羞稱獻

納臣末句自答言我知君而不能薦之于朝羞自比于獻納臣也去宗改理題使為獻納使故

補有是

淮南子任一人之能不足以治三畝之宅

漢江臨汎

水經漾水出隴西抵道縣幡豕山東至武都沮縣為漢水

畝

楚塞三湘接荆門九派通江流天地外山色有無

中郡邑浮前浦波瀾動遠空襄陽好風日留醉與

山翁

寰宇記湘潭湘源湘鄉謂之三湘後漢書注

荆門楚之西塞在峽州夷陵縣東南江賦流

九派平潯陽庾信詩今朝好風日吾山簡

傳簡鎮襄陽諸習氏有佳園池簡出必之池上

置酒輒醉曰此我高陽池也

被出濟州

唐書濟州屬河南道亦周旋亦感懷

微官易得罪謫去濟川陰執政方持法明君無此

心問閻河潤上井邑海雲深縱有歸來日多愁年

卷九



鬢侵

莊子河潤九里澤及三族

使至塞上

單車欲問邊，屬國過居延。征蓬出漢塞，歸鴈入胡天。大漠孤煙直，長河落日圓。蕭關逢候吏，都護在

燕然

師古曰居延，匈奴中地名。括地志隴山，開在原州，即古蕭關。

冬晚對雪憶胡居士家

寒更傳曉箭，清鏡覽衰顏。隔牖風驚竹，開門雪滿山。灑空深巷靜，積素廣庭閒。借問袁安舍，翛然尙

閉關

寫對雪意不削而合不繪而工，憶胡居士只未一見

後漢書孔盞為漏浮箭為刻。曹植大瓊篇豐年大置酒，玉樽列廣庭。汝南先賢傳時大雪，丈餘洛陽令自出案行，見人家皆除雪，出至袁安門，無有行路，令人除雪，入戶見安僵卧，問何以不出，安曰：大雪人皆餓，不宜干人，令以為賢，舉孝廉。

終南別業

中歲頗好道，晚家南山陲。興來每獨往，勝事空自知。行到水窮處，坐看雲起時。偶然值林叟，談笑無

還期

行所無事，一片化機，末語無還期，謂不定還期也，無字或作滯字亦可。

登裴廸秀才小臺作

端居不出戶，滿目望雲山。落日鳥邊下，秋原人外

卷九



開遙知遠林際。不見此簷間。好客多乘月。應門莫上關。轉從遠林望小臺思路曲折遠林已之家中也故結言應門有待莫便上關

秋夜獨坐

獨坐悲雙鬢。空堂欲二更。雨中山果落。燈下草蟲鳴。白髮終難變。黃金不可成。欲知除老病。惟有學

無生。

漢武內傳李少君授蒟子訓大幻化之術有老人髮白者子訓與之對坐其語宿昔之間明且寶祕書更生獻之言黃金可成方不驗

觀獵

千鈞筆力風勁角弓鳴。將軍獵渭城。草枯鷹眼疾。雪盡馬蹄

輕忽過新豐市。還歸細柳營。回看射鵰處。千里暮

雲平。

章法句法字法俱臻絕頂盛唐詩中亦不多見起二句若倒轉便是凡筆勝人處全在

突兀也。結亦有回身射鵰手段。

一統志渭城在西安長安縣又新豐城在西北史解律光從三輔黃圖細柳營在渭水北中其頭形如車輪旋轉而下乃鵬也邢子高歎曰此射鵬手也

孟浩然孟浩然孟詩勝人處每無意求工而清超越有泉流石上風俗正復出人意表清淺語詭之自來松下之者

臨洞庭上張丞相

八月湖水平。涵虛混太清。氣蒸雲夢澤。波撼岳陽



城欲濟無舟楫。端居恥聖明。坐觀垂釣者。徒有羨

魚情。起法高渾三四雄闊足與題稱讀此詩知

而結網意外望張公之援引也

吳都賦注太清天也泰同契山澤氣蒸周

禮正南曰荊州其澤藪曰雲夢岳陽風土記

濟巨川用汝作舟楫

晚泊潯陽望廬山

挂席幾千里。名山都未逢。泊舟潯陽郭。始見香爐

峯。嘗讀遠公傳。永懷塵外踪。東林精舍近。日暮坐

聞鐘。所謂篇法之妙不見句法者別

本入古詩中須知作近體看才妙

上巳洛中寄王九迥

卜洛成周地。浮杯上巳筵。鬪雞寒食下。走馬射臺

前。垂柳金堤合。平沙翠幙連。不知王逸少。何處會

羣賢。

續齊諧記晉武帝問三日曲水其義何指東晉

日昔周公成洛邑因流水以汎酒故逸詩云羽

觴隨波荆楚歲時記三月三日士人並出水

渚為流杯曲水之飲玉燭寶典寒食節城市

多鬪雞之戲鄴中記華林園中有千金堤三

月三日石季龍及皇后百官臨池會潘尼三

日洛水詩翠幙映洛湄晉書王羲之字逸少

嘗與同志宴集于會稽山陰之蘭亭自為序以

申其志

與諸子登峴山

人事有代謝。往來成古今。江山留勝跡。我輩復登

卷九



臨水落魚梁淺天寒夢澤深羊公碑尚在讀罷淚

沾襟清遠之作不煩攻苦着力

魚梁洲名峴山在襄陽上有羊祜碑見卷六李詩

晚春

二月湖水清家家春鳥鳴林花掃更落徑艸踏還生酒伴來相命開樽共解醒當杯已入手歌妓莫

停聲

晉書劉伶祝曰天生劉伶以酒為名一飲一斛五斗解醒詩傳酒病日醒

題義公禪房

義公習禪寂結宇依空林戶外一峯秀堦前衆壑

深夕陽連雨足空翠落庭陰看取蓮花淨方知不

染心

維摩詰經一心禪寂攝諸亂惡張協詩雲根流入極雨足灑四溟

李氏園卧疾

我愛陶家趣林園無俗情春雷百卉坼寒食四鄰

清伏枕嗟公幹歸田羨子平年年白社客空滯洛

陽城劉公幹詩余嬰沉痾疾羸身清漳濱張

陶詩林園無俗情易雷雨作而百果草木皆甲坼晉書董京至洛陽常宿白社中

尋梅道士

彭澤先生柳山陰道士鵝我來從所好停策夏陰

卷九



多重以觀魚樂因之鼓柁歌崔徐迹未朽千載捐清波

起二句注見卷五王維詩莊子莊子與惠子遊於濠梁之上莊子曰儻魚出遊從容是魚樂也惠子曰子非魚安知魚之樂莊子曰子非我安知我不知魚之樂楚詞鼓柁而去孫楚登樓賦收豎吟嘯于行陌舟人鼓柁而揚歌

梅道士水亭

傲吏非凡吏名流即道流隱居不可見高論莫能酬水接仙源近山藏鬼谷幽再來尋處所花下問

漁舟

郭璞詩漆園有傲吏世說孫綽許論皆一時名流雲笈七籤東仙源西仙源在台州黃巖

縣·鬼谷子隱于鬼谷

尋天台山

吾愛太乙子滄霞卧赤城欲尋華頂去不憚惡溪

名歇馬憑雲宿揚帆截海行高高翠微裏遙見石

梁橫處州有惡溪應從處州至天台也華頂天台

臨絕澗子遊其地長三丈

許僧與樵人每經行焉

楚詞注太乙星名天之尊神庚信遊仙詩玉京傳相鶴太乙授飛龜顏延之詩中散不偶世本自食霞人天台山圖曰赤城山天台之南

海蔽四雪賦憑雲升降隨風飄零漢高歌橫

歸終南山



北闕休上書。南山歸弊廬。不才明主棄。多病故人疎。白髮催年老。青陽逼歲除。永懷愁不寐。松月夜

此浩然不第歸來作也時帝幸王維寓浩然

初出關旅亭夜坐懷王大校書

向夕槐煙起。葱蘢池館曛。客中無偶坐。關外惜離羣。燭至螢光滅。荷枯雨滴聞。永懷芸閣友。寂寞滯

揚雲。

魚豢典要芸香辟紙魚蠹故藏書臺稱芸臺

過故人庄

故人具雞黍。邀我至田家。綠樹村邊合。青山郭外

斜。開軒面場圃。把酒話桑麻。待到重陽日。還來就

菊花。通體清妙未句就字作意而歸於自然

裴司士見尋

通典唐諸州右司士泰軍

府僚能枉駕。家醞復新開。落日池上酌。清風松下

來。廚人具雞黍。稚子摘楊梅。誰道山翁醉。猶能騎

馬回。即山巨源倒載意也山翁仍宜用山公

和李侍御渡松滋江。唐地理志江陵府有松滋縣一統志川江在松滋縣北岷江至此分為三派



南紀西江闊。皇華御史雄。截流寧假楫。挂席自生風。寮案爭攀鷁。魚龍亦避驄。坐聽白雪唱。翻入棹

歌中

詩注。沿江漢南國之紀。皇華遣使。臣詩。晉書。吳猛還豫章。江波甚急。猛不假舟楫。以白羽扇畫水而渡。子虛賦注。鷁。水鳥。畫于船首。驄。馬御史所乘。

### 宿桐廬江寄廣陵舊遊

輿圖備攷。嚴州府桐廬縣。桐江。統志。揚州府唐為廣陵郡。古名維揚。

山暝聽猿愁。冷江急夜流。風鳴兩岸葉。月照一孤

舟。建德非吾土。維揚憶舊遊。還將兩行淚。遙寄海

西頭。孟公詩。高于起。調。故清而不寒。

一統志。嚴州府建德縣。

### 送友東歸

士有不得志。栖栖吳楚間。廣陵相遇。彭蠡泛舟還。橋出江中樹。波連海上山。風帆明日遠。何處更

追攀。

廣陵見上。彭蠡湖名。

### 留別王維

客中無聊之况。

寂寂竟何待。朝朝空自歸。欲尋芳草去。惜與故人違。當路誰相假。知音世所稀。祗應守寂寞。還掩故

園扉。

卷九



閒園懷蘇子

林園雖少事幽獨自多違向夕開簾坐庭陰落翠  
微鳥從煙樹宿螢傍水軒飛感念同懷子京華夫  
不歸

早寒有懷

起手須得此高致  
木落雁南渡北風江上寒我家襄水曲遙隔楚雲  
端鄉淚客中盡孤帆天際看迷津欲有問平海夕  
漫漫

一統志襄水在湖廣襄陽府城西北北為  
狼溪南為襄水江總詩平海苦無流

途中遇晴

已失巴陵雨猶逢蜀坂泥天開斜景遍山出晚雲  
低餘溼猶沾草殘流尚入溪今宵有明月鄉思遠

悽悽狀晚霽  
如畫

赴京途中遇雪

迢遞秦京道蒼茫歲暮天窮陰連晦朔積雪遍山  
川落雁迷寒渚饑鳥噪野田客愁空佇立不見有  
人煙

夜渡湘水

說文湘水出零陵  
陽海山北入江  
客行貪利涉夜裏渡湘川露氣聞芳杜是夜渡歌聲識采



蓮榜人投岸火漁子宿潭煙行旅時相問潯陽何處邊行旅自謂問者問榜人漁子也

庚信詩春洲藉芳杜樂錄草木二十四曲有采蓮曲子虛賦榜人歌聲流唱注榜人船長也

常建

破山寺後禪院

一統志興福寺在虞山齊彬州刺史捨宅為寺唐常建題曲徑通幽處即此

清晨入古寺初日照高林曲徑通幽處禪房草木

深山光悅鳥性潭影空人心萬籟此俱寂惟聞鐘

磬音鳥性之悅悅以山光人心之空空因潭水此倒裝句法通體幽絕歐陽公自謂學之未

能古人虛心服善如是

莊子地籟人籟天籟吹萬不同

泊舟盱眙

唐地理志泗州有盱眙縣

泊舟淮水次霜降夕流清夜久潮侵岸天寒月近

城平沙依雁宿侯館聽雞鳴鄉國雲霄外誰堪羈

旅情

周禮五十里有市市有侯館



唐詩別裁集引典備註卷十

長洲沈德潛歸愚選 後學俞汝昌增注

賈至

南州有贈二首

唐地理志南州蠻置 唐書賈至坐小法貶岳州司馬

極浦三春草，高樓萬里心。楚山晴靄碧，湘水暮流

深。忽與朝中舊，同為澤畔吟。停杯試北望，還欲淚

沾襟。應是貶岳州時作與故人飲而念京華也

楚詞惟極浦兮寤懷 屈原既放行吟澤畔 又

越非人南去，湘川水北流。江邊數杯酒，海內一孤

卷十



舟嶺嶠同仙客京華卽舊遊春心將別恨萬里共悠悠

江總詩石關通越非

岑 參 嘉州五言多激壯之音

高冠谷口招鄭鄠

谷口來相訪空齋不見君澗花然暮雨潭樹暖春雲門迳稀人迹簷峯下鹿羣衣裳與枕席山靄碧氛氲

初授官題高冠草堂

三十始一命宦情多欲闕自憐無舊業不敢恥微

官澗水吞樵路山花醉藥欄稊緣五斗米辜負一

漁竿 五六吞字醉字與前一首同

陶潛爲彭澤令歎曰吾不能爲五斗米折腰

送杜佐下第歸陸渾別業

正月今欲半陸渾花未開出關見青艸春色正東來夫子且歸去明時方愛才還須及秋賦莫卽隱蒿萊 芙蓉生在秋江上不向東風怨未開安分語耳此詩純用慰勉心和氣平盛唐人身分故不易到

送張子尉南海

不擇南州尉高堂有考親樓臺重蜃氣邑里雜鮫



人海暗三山。雨花明五嶺。春此鄉多寶。玉慎勿厭。

清貧 著眼起結 唐人結意虛詞游衍者多此種 規諷有體 諷以不貪而云勿厭清貧忠告

善道自宜爾爾

說苑子路曰家貧親老者不擇祿而仕 雜兵 書蜃嘘氣成樓臺 博物志南海外有鮫人水

居如魚不廢織績其眼中能泣珠 謝靈運詩 越海陵三山注香山禹山堯山為三山又羅浮

山三山之總名 漢書南有五嶺之成廣州記 大庾始安臨賀桂陽揭陽是為五嶺 晉良吏

傳廣州珍異所出一 篋之寶可資數世

### 趙少尹南亭送鄭侍御歸東臺

通典龍朔二年改少詹事為少尹 演 繁露唐都長安於洛陽為西而洛陽亦

有留臺故御史長安名 西臺而洛陽為東臺

紅亭酒藉香。白面繡衣郎。砌冷蟲喧座。簾疎月到

牀。鐘催離思急。絃逐醉歌長。關樹應先落。隨君滿

路霜。

漢百官表侍御史有繡衣 直指出討奸滑治大獄

### 送張子東歸

白羽綠弓絃。年年只在邊。還家劍鋒盡。出塞馬蹄

穿。逐虜西踰海。平胡北到天。封侯應不遠。燕領豈

徒然。只第三句見送歸 意下皆追叙其功

白羽箭也 後漢班超傳虎頭 燕領飛而食肉萬里侯相也

奉送李太保兼御史大夫克渭北節度使



卽太尉光弼弟

舊書職官志正一品太保一員從三品御史大夫一員天寶中緣邊置八節度使賜之旌節得專制軍事李光弼傳光弼與史思明苦戰勝之加太尉弟光進掌禁兵加太子太保御史大夫涼國公朔北節度使

詔出未央宮登壇近總戎上公周太保副相漢司

空弓抱關西月旗翻渭北風弟兄皆許國天地荷

成功雄偉宏麗光燄奪目弓與旗皆隨常景點

使向中

書立太師太傅太保茲惟三公論道經邦漢百官表御史大夫掌副丞相漢成紀以御史大夫為大司空

辨州送天平何丞入京市馬

唐地理志號州即農郡

關樹晚蒼蒼長安近夕陽回風醒別酒細雨溼行

裝習戰邊塵黑防秋塞草黃知君市駿馬不是學

燕王

沈約詩關樹抽紫葉唐陸贄傳西北邊歲調河南江淮兵謂之防秋國策燕昭王欲招賢者郭隗曰臣聞古之君人求子馬涓人請求之馬已死買其首五百金君怒涓人曰死馬且買之馬今至矣不期年千里之馬至者三王欲致士先從隗始

武成暮春聞宇文判官西使還已到晉昌

片雨過城頭黃鸝土戍樓塞花飄客淚邊柳挂鄉



愁白髮悲明鏡青春換弊裘君從萬里使聞已到  
瓜州因判官之歸慨已之滯於武威也  
瓜州武威屬梁州音昌瓜州屬隴右道

寄左省杜拾遺

唐職官志門下省龍朔中改為東臺故稱左省又垂拱初置左右拾遺二員掌

聯步趨丹陛分曹限紫微曉隨天仗入暮惹御香

歸白髮悲花落青雲羨鳥飛聖朝無闕事自覺謙

書稀下半自傷遊暮無可建白也感歎語以回獲出之方是詩人之旨

隋書馳騁丹陛初學記唐改中書省曰紫微省

登總持寺

北齊書清河二年詔以城南雙堂開位之苑建造大總持寺

高閣逼諸天登臨近日邊晴開萬井樹愁看五陵

煙檻外低秦嶺牕中小渭川早知清淨理常願奉

金仙

長阿舍經先于佛所淨修梵行生切利天使彼諸天增益五福本行經始證金仙

積西頭送李判官入京時岑留積西為記室

一身從遠使萬里向安西漢月垂鄉淚胡沙費馬

蹄尋河愁地盡過積覺天低送子軍中飲家書醉

裏題

陝州月城樓送辛判官入秦



一統志陝州  
在弘農郡

送客飛鳥外。城頭樓最高。尊前遇風雨。臆裏動波

濤。謝帝向金殿。隨身唯寶刀。相思灞陵月。祇有夢

偏勞。入手須不平。宋人不講此法。所以單弱。

灞陵漢文陵。

### 題山寺僧房

窗影搖羣動。牆陰蔽一峯。野爐風自熱。山碓水能

春。勤學翻知誤。為官好欲慵。高僧瞑不見。月出但

聞鐘。庾信詩野爐然樹葉山杯。抹竹根。唯春見卷一。

### 巴南舟中夜書事

渡口欲黃昏。歸人爭渡喧。近鐘清野寺。遠火點江

村。見鴈思鄉信。聞猿積淚痕。孤舟萬里夜。秋月不

堪論。

### 邱中春卧寄王子

田中開白室。林下閉元關。卷跡人方處。無心雲自

閒。作深喧暮鳥。花缺露春山。庄句勝事那能說。王孫去

未還。清而不薄。

莊子虛室生白。吉祥止止。

初至健為作



唐地理志嘉州犍為郡本眉  
山郡郡有犍為縣屬劔南道

山色軒楹內。灘聲枕席間。草生公府靜。花落訟庭閒。雲雨連三峽。風塵接百蠻。到來能幾日。不覺鬢毛斑。

高適

送劉評事充朔方判官賦得征馬嘶

唐地理志夏州朔方郡中都督府古樂府有征馬嘶曲

征馬向邊州。蕭蕭嘶未休。思深應帶別聲斷。為兼秋岐路。風將遠關山。月共愁贈君。從此去何日大刀頭。

鮑照詩俄思甚兼秋樂府解題大刀頭者刀頭有環也向當大月頭者何日嘗還也

送鄭侍御謫閩中

漢外夷傳閩粵王無諸姓騶氏秦并天下以其地為閩中郡

謫去君無恨。閩中我舊過。大都秋鴈少。只是夜猿多。東路雲山合。南天瘴癘和。自當逢雨露。行矣慎風波。

曹植詩怨彼東路長吳志蒼梧南海歲有瘴風瘴氣

送魏八

更沾淇上酒。還泛驛前舟。為惜故人去。復憐嘶馬愁。雲山行處合。風雨興中秋。此路無知己。明珠莫



暗投

鄒陽上梁王書明月之珠夜光之璧以暗投人於路衆莫不投劍相眄者何則無因而至前也

使青夸軍入居庸

唐地理志虢州虢川郡有青夷軍懷戎縣東南五十里有居庸塞天下之險

匹馬行將久征途去轉難不知邊地別祇訝客衣單溪冷泉聲苦山空木葉乾莫言關塞極雨雪尙漫漫

醉後贈張九旭

世上謾相識此翁殊不然興來書自聖醉後語尤顛白髮老閒事青雲在目前牀頭一壺酒能更幾

回眠

世俗交誼不親而泛云知已所謂漫相識也

抱朴子善史書之絕時者謂之書聖唐書張旭吳人大醉乃下筆或以頭濡墨而書既醒自視以為神世呼張顛

儲光羲

張谷田舍

縣官清且儉深谷有人家一徑入寒竹小橋穿野花碓喧春澗滿梯倚綠桑斜自說年來稔前村酒可賒

田舍之樂山縣官清儉欲安民先貴得人也

題陸山人樓

暮聲雜初雁夜色涵早秋獨見海中月照君池上



樓山雲拂高棟。天漢入雲流。不惜朝光滿。其如千里遊。  
五六復雲字

寒夜江口泊舟

寒潮信未起。出浦纜孤舟。一夜苦風浪。自然增旅愁。吳山遲海月。楚火照江流。欲有知音者。異鄉誰可求。

題虬上人房

禪宮分兩地。釋子一為心。入道無來去。清言見古今。江寒池水綠。山暝竹園深。別有中天月。遙遙散夕陰。

易參天雨地面倚數

崔曙

途中曉發

曉霽長風裏。勞歌赴遠期。雲輕歸海疾。月滿下山遲。旅望因高盡。鄉心遇物悲。故林遙不見。況在落花時。

緱山廟

一統志緱氏山在河南偃師縣南四十里

遺廟宿陰陰。孤峯映綠林。步隨仙路遠。意入道門深。澗水流年月。山雲變古今。祇聞風竹裏。猶有鳳

輕



笙音

列仙傳王子喬者周靈王太子晉也。好吹笙作鳳凰鳴。遊伊洛間。過道士浮丘公。接以上嵩高山。三十餘年。後於山中見桓良。曰：「告我家七月七日待我於緱氏山巔。」至是果見。乘白鶴駐山頭。望之不得到。舉手謝時人而去。

奉試明堂火珠

唐禮儀志：證聖中，重試明堂，上施寶鳳，俄以火珠代之。孔帖：南蠻有珠如卵，以艾藉珠，輒出火。

巧句

正位開重屋，凌空出火珠。夜來雙月滿，曙後一星孤。

天淨光難滅，雲生望欲遙。知太平代國寶在名都。

名都

考工記：殷人重屋，蔡邕明堂月令論：夏后氏曰世室，殷人曰重屋，周人曰明堂。

殷

遙

句容人天寶間終於忠王府倉曹參軍。

送友人下第歸省

君此卜行日，高堂應夢歸。莫將和氏淚，滴著老萊衣。

嶽雨連河細，田禽出麥飛。到家調膳後，吟好送

斜暉。真到極處去，風雅不遠。和氏淚，老萊衣，本屬套語，合用之，祇見其妙，有真性情，流于筆

墨之先也

璧子楚人和氏得璞玉於楚山中，獻之武王。王使玉人相之，曰：「石也。」別其左足，成王卽位，和以獻之。玉人曰：「石也。」別其右足，文王卽位，和又抱璞哭于楚山下。王使玉人理其璞，而得寶名曰和氏之璧。山下王使老萊子孝養，二親，着五色絲衣，卧地爲小兒啼。

卷十

十



李頎

望秦川

三秦記長安正南秦嶺眼水流為秦川

秦川朝望迥。日出正東峯。遠近山河淨。逶迤城闕重。秋聲萬戶竹。寒色五陵松。客有歸與歎。淒其霜露濃。

史記渭川千畝竹其人與萬戶侯等漢五陵王粲賦昔尼父之在陳今有歸與之歎音

綦母潛

字季通荆南人開元中進士由宜壽尉人為集賢待詔終著作郎

題靈隱寺山頂院

招提出山頂。下界不相聞。壇影挂清漢。鐘聲和白雪。觀空靜室掩。行道衆香焚。且駐西來駕。人天日未曛。

白帖招提寺名北史靜室端居未嘗取出門問法華經燒衆名香

宿龍興寺

一統志龍興寺在襄陽府房縣無姓和尚居此

香刹夜忘歸。松清古殿扉。燈明方丈室。珠繫比丘衣。白日傳心淨。青蓮嗜法微。天花落不盡。處處鳥禽飛。

釋氏要覽刹幡杜也建於塔上後人指刹為塔轉而稱寺維摩詰經譬如一燈然百千燈宮

卷十

十二



者皆明七終不盡。維摩經舍利佛來見其室中無有牀坐。維摩見神通力須彌燈王遣三萬人千獅子座來入維摩室。事文類聚唐王公策使西域有維摩居士石室以手板縱橫量之。得十笏故名方丈室。圓覺經譬如清淨摩尼寶珠映於五色隨方可現。金剛經與大比丘眾千二百五十人俱。梵語此正泰言乞士謂上於諸佛乞法資益慧命下於施主乞食資益色身。法華經口中常出青蓮香。

張謂

送裴侍御歸上都

楚地勞行役。秦城罷鼓聲。舟移洞庭岸。路入武陵溪。江月隨人影。山花趁馬蹄。離魂將別夢。先已到關西。

史記正義楚地翼軫之分野今之南郡江夏沔陵桂陽武陵長沙及漢中汝南郡後陳魯屬焉一統志秦城在鳳翔府隴州南三里秦非子居此洞庭湖名

同王徵君湘中有懷

八月洞庭秋。瀟湘水北流。還家萬里夢。為客五更愁。不用開書帙。偏宜上酒樓。故人京洛滿。何日復同遊。

王灣 洛陽人先天中進士開元初為滎陽簿後為洛陽尉

次北固山下

客路青山外。行舟綠水前。潮平兩岸失。風正一帆

一統志北固山在鎮江府治北下臨長江



懸海日生殘夜江春入舊年鄉書何處達歸雁洛

陽邊兩岸失言潮平而不見兩岸也別本作兩岸

經鍾鍊便成奇絕與少陵無風雲出塞不夜月臨

式楷 關一種筆墨五六語張燕公手書進士堂以示

祖詠洛陽人開元十三年進士張說在并州引為駕部員外郎

江南旅情

楚山不可極歸路但蕭條海色晴看雨江聲夜聽

潮劍留南斗近書寄北風遙為報空潭橘無媒寄

洛橋復寄

春秋說題詞南斗為吳

泊楊子岸

纔入維揚郡鄉關此路遙林藏初霽雨風退欲歸

潮江火明沙岫雲帆礙浦橋客衣今日薄寒氣近

來饒

維揚即揚州

蘇氏別業

別業居幽處到來生隱心南山當戶牖澧水映園

林竹覆經冬雪庭昏未夕陰寥寥人境外閒坐聽

春禽

水經注澧水流注于洞庭湖俗謂之澧江口顏延之詩庭昏見野陰



李

白

逸氣凌雲天然秀麗隨舉一聯知非老杜詩非王摩詰孟襄陽詩也

宮中行樂詞六首

原本齊梁緣情綺靡中不忘諷意寄興獨遠

樂府遺聲行樂四十入曲有宮中行樂詞

水綠南薰殿花紅北闕樓鶯歌聞太液風吹繞瀛州素女鳴珠珮天人弄綵毬今朝風日好宜入未央遊

央遊

大典興慶宮之北曰濯龍門南走龍池曰瀛州門內曰南薰殿漢書蕭何作未央宮立東闕北闕淮南子素女皇帝時方術女鄭交甫遺佩珠女見卷一孟浩然詩維摩詰經此室常作天人第一之樂荆楚歲時記寒食結綵打毬鞦韆拖鉤之戲

飛遲日明歌席新花豔舞衣晚來移彩仗行樂泥

光輝

繡戶香風暖紗窗曙色新宮花爭笑日池草暗生

春綠樹聞歌鳥青樓見舞人昭陽桃李月羅綺自

相親

山海經載民之國有歌舞之鳥唐音樂志鳥歌萬歲樂武后所造也時宮中養鳥能人言常稱萬歲為樂以象之昭陽殿名別賦羅與綺兮嬌上春

玉樹春歸日金宮樂事多後庭朝未入輕輦夜相

過笑出花間語嬌來竹下歌莫教明月去留著醉

嫦娥

卷十



漢武故事起神屋前庭植玉樹珊瑚為枝碧玉  
為葉中記三神山居渤海中黃金白銀為宮  
闕淮南子羿請不死之藥于  
西王母其妻嫦娥竊之奔于月

盧橘為秦樹蒲萄出漢宮  
煙花宜落日絲管醉春  
風笛奏龍吟水簫鳴鳳  
下空君王多樂事還與萬

方同

盧橘蒲萄宮中所種  
馬融笛賦龍吟水中不  
見已截竹吹之聲相似  
荀子鳳凰啾啾其聲

若簫

柳色黃金嫩梨花白雪香  
玉樓巢翡翠金殿鎖鴛  
鴦選妓隨雕輦徵歌出洞房  
宮中誰第一飛燕在

昭陽連下首專詠貴妃言  
下有禍水滅漢之意

漢書飛燕居昭陽殿

小小生金屋盈盈在紫微  
山花插寶髻石竹繡羅  
衣每出深宮裏常隨步輦歸  
只愁歌舞散化作綵

雲飛

金屋見卷二三秦記未央宮一名紫微宮  
李白外傳開元中沉香亭牡丹開上乘照夜車  
太真妃以步輦從江淹麗  
色賦其少進也如綵雲出岵

塞下曲三首

樂府道聲征戍十  
五曲有塞下曲

五月天山雪無花只有寒  
笛中聞折柳春色未曾  
看曉戰隨金鼓宵眠抱玉鞍  
願將腰下劍直為斬

卷十

五



樓蘭

天山在西域。冬夏有雪。韓詩外傳：雪花六出。樂府有折楊柳曲。漢傅介子傳：樓蘭王嘗殺漢使者。介子與坐飲，既醉，使壯士三人刺之，持其首詣闕。

駿馬似風騰，鳴鞭出渭橋。彎弓辭漢月，插羽破天

驕。陣解星芒盡，營空海霧消。功成畫麟閣，獨有霍

嫖姚。嫖姚，獨有貴戚，得以紀功。則勇士喪氣矣。

三輔黃圖：秦始皇造渭橋，注橋在長安北，跨渭水。曰：旄頭正義，昂一星為旄頭，胡星動，搖胡兵。

塞虜乘秋下，天兵出漢家。將軍分虎竹，戰士卧龍

沙。邊月隨弓影，胡霜拂劍花。玉關殊未入，少婦莫

長嗟。只弓如月，劍如霜耳。筆端點染，遂成奇彩。結意亦復深婉。

漢書：匈奴至秋，馬肥，已勁，則入塞。長楊賦：天兵四臨，鮑照詩：將以分虎竹，符也。

超傳：咫尺龍沙，注白龍堆。沙漠也。玉關，玉門關，屬燉煌。

秋思 古琴操商調之曲。

燕支黃葉落，妾望自登臺。海上碧雲斷，單于秋色

來。胡兵沙塞合，漢使玉關回。征客無歸日，空悲蕙

草摧。單于，匈奴主號，亦是地名。李益秋風吹入小單于，是也。四語應以地言。

燕支，匈奴山名。

侍從遊宿溫泉宮作



羽林十二將羅列應星。女霜仗懸秋月，霓旌卷夜雲。巖更千戶肅，清樂九天聞。日出瞻佳氣，葱蔥繞聖君。

唐儀衛志：唐因隋制，有十二衛。星經：羽林府四十五星，壘壁陣十二星，在營南。天子之軍，西都賦：注：嚴更督行夜鼓也。漢書：氣佳哉，衛也。葱蔥。

口號贈徵君盧鴻

公時被召

陶令辭彭澤，梁鴻入會稽。我尋高士傳，君與古人齊。雲卧留丹壑，天書降紫泥。不知楊伯起，早晚向

關西。

陶潛為彭澤令，解印歸。梁鴻與妻子適吳郡。國志：會稽郡秦置本治吳。晉嵇康拔高士傳。

贊又皇甫謐著高士傳。漢舊儀：天子六壘，皆以武都紫泥封之。後漢書：楊震字伯起，明經博覽諸儒為之語。曰：關西夫子。

贈孟浩然

吾愛孟夫子，風流天下聞。紅顏棄軒冕，白首臥松雲。醉月頻中聖，迷花不事君。高山安可仰，徒此揖清芬。

魏志：時禁酒，徐邈酒醉校事，趨達問以曹事，邈曰：中聖人。達曰：太祖太祖怒，鮮于輔曰：酒客謂酒清者為聖人，濁者為賢人。耳。陸機文賦：誦先人之清芬。

寄淮南友人

唐地理志：壽州壽春郡，本淮南郡。

聖

卷十

十七



紅顏悲舊國。青歲歎芳洲。不待金門詔。空持寶劍遊。  
遊海雲迷驛路。江月隱鄉樓。復作淮南客。因逢桂樹留。

莊子舊國舊鄉望之悵去漢書東方朔待詔金馬門淮南王招隱桂樹叢生兮山之幽

渡荆門送別 詩中無送別意題中二字可刪

渡遠荆門外。來從楚國遊。山隨平野盡。江入大荒

流。月下飛天鏡。雲生結海樓。仍憐故鄉水。萬里送

行舟

薛道衡老氏碑頌響發地鐘光垂天鏡天官書海旁蜃氣象樓臺

送友人

青山橫北郭。白水遶東城。此地一為別。孤蓬萬里

征。浮雲遊子意。落日故人情。揮手自茲去。蕭蕭班

馬鳴。 三四流走亦竟有散行者夫起句必須整齊之意在不盡矣大

白猶不失斯旨

送友人入蜀

見說蠶叢路。崎嶇不易行。山從人面起。雲傍馬頭

生。芳樹籠秦棧。春流遶蜀城。升沉應已定。不必問

君平。 奇語傳出不易行意籠秦棧遶蜀城以所經言之結用蜀人恰好

蜀王之先名蠶叢棧道入蜀君平成都卜者

送麴十少府



試發清秋興。因為吳會吟。碧雲斂海色。流水折江心。我有延陵劍。君無陸賈金。艱難此為別。惆悵一何深。

史記季札使過徐。上君好季札劍。弗敢言。季札心知之。未獻。還至徐。上君已死。於是解劍繫徐君冢樹而去。漢書高祖使陸賈賜尉佗為南越王。作賜賈橐裝直千金。

尋雍尊 師隱居

羣峭碧摩天。逍遙不記年。撥雲尋古道。倚樹聽流泉。花煖青牛卧。松高白鶴眠。詔來江色暮。獨自下寒煙。或云青牛花葉上青嶺有角如牛故名其說似可從

訪戴天山道士不遇

挂

犬吠水聲中。桃花帶雨濃。樹深時見鹿。溪午不聞鐘。野竹分青靄。飛泉挂碧峯。無人知所去。愁倚兩

三松

過崔八丈水亭

高閣橫秀氣。清幽併在君。簷飛宛溪水。窗落敬亭雲。狡獪風中斷。漁歌月裏聞。閒隨白鷗去。沙上自為羣。

一統志宛溪在寧國府城東。宣城縣北十里。

秋登宣城謝朓北樓

一統志北樓在寧國府治北。南齊太守謝朓建。



江城如畫裏山曉望晴空雨水夾明鏡雙橋落彩  
虹人煙寒橘柚秋色老梧桐誰念北樓上臨風懷

謝公人家在橋林故寒格桐早凋故老

一統志寧國府城下二水合流名雙溪又鳳

陽橋在府城東南泰和門外濟川橋在府城東

隋開皇中建謝公亭與范雲

謝公亭在寧國府城謝公離別處風景每生愁客散青天月山空碧水

流池花春映日愔竹夜鳴秋今古一相接長歌懷

舊遊

### 太原早秋

史記注上黨以

歲落衆芳歇時當大火流霜成出塞早雲色渡河

秋夢遶邊城月心飛故園樓思歸若汾水無日不

悠悠

詩七月流火張衡詩大火流兮

### 觀獵

太守耀清威乘閒弄晚暉江沙橫獵騎山火遶行

圍箭逐雲鴻落鷹隨月兔飛不知白日暮歡賞夜

方歸



夜泊牛渚懷古

一統志牛渚山在太平府城北二十五里下有磯曰牛渚去采石磯僅一里

牛渚西江夜，青天無片雲。登舟望秋月，空憶謝將軍。

余亦能高詠，斯人不可聞。明朝掛帆去，楓葉落紛紛。

紛紛不用對偶，一氣旋折。律詩中有此一格。

晉書謝尚字仁祖，號鎮牛渚。秋夜乘月泛江，會客在船中，詠詩，尚問焉，答詩，尚即迎，舟中談論，中且自此名譽日茂。

杜南，杜詩近体，氣局闊大，使事典切，而人于嚴整之中，斯足凌轍千古。

登兗州城樓

唐書兗州節度使，郡屬河南道。

東郡趨庭日，南樓縱目初。浮雲連海岱，平野入青

徐孤嶂。秦碑在荒城，魯殿餘從來。多古意，臨眺獨

躊躇。首尾圓足，格律亦復細密。此少年徑營之作。

漢地理志：東郡秦置，屬兗州。晉書：庾亮乘秋夜往其登南樓，木集注：海岱，青徐與兗州相

接。秦德夜，漢書注：魯靈光殿在兗州曲阜洙中。

房兵曹胡馬詩

唐書諸衛府州各有兵曹參軍事。

胡馬大宛名，鋒稜瘦骨成。竹批雙耳峻，風入四蹄

輕。所向無空闊，真堪託死生。驍騰有如此，萬里可



橫行前半論骨相後半并及性情萬里  
橫行指房兵曹方不枯著題面  
大宛馬名相馬經耳欲鏡面小如削筒  
遺記曹洪所乘馬曰白鶴時人冒乘風而行  
掃白馬賦料  
武藝品號騰

畫鷹

素練風霜起蒼鷹畫作殊搜身思狡兔側目似愁

胡條鏃光堪擗軒楹勢可呼何當擊凡鳥毛血灑

平鋪

可與素練素去漢七問風沙非會  
原注雙新練也唐韻  
音悚鷹賦擒狡兔于平原又深目蛾眉狀  
如愁胡淮南子條可以爲鏡廣韻條編絲繩  
繫鷹足而繫之於鏃也鷹賦磨則應機招則  
易呼木浮書園圖之凡鳥所都賦風毛雨

血灑野  
蔽天

夜宴左氏宅

風林織月落衣露淨琴張暗水流花徑春星帶草

堂檢書燒燭短看劍引盃長詩罷聞吳詠扁舟意

不忘

謝眺詩疏蕪散風林古詩兩頭織心  
月初生江滄傷友入賦共檢分雜書

春日憶李白

白也詩無敵飄然思不羣清新庾開府俊逸鮑參

軍渭北春天花江東日暮雲何時一尊酒重與細

論文少陵在渭北太白在江  
東寫景而離情自見

卷十

庚子山信  
鮑明遠思



北周書庾信字子山聰明絕倫選驃騎大將軍  
開府儀同三司宋書鮑照字明遠文詞瞻逸  
臨江王太子填在荊州以照為前  
軍參軍庾信詩論女荻潘岳

對雪

戰哭多新鬼愁吟獨老翁亂雲低薄暮急雪舞迴  
風瓢棄尊無綠爐存火似紅數州消息斷愁坐正

書空

三四對雪之景餘俱感懷

世說殷浩坐廢終日書空作咄咄怪事四字

月夜

今夜鄜州月閨中只獨看遙憐小兒女未解憶長  
安香霧雲鬟溼清輝玉臂寒何時倚虛幌雙照淚

詩

痕乾只獨看正憶長安兒女無知未掣憶長安者  
悲非尋常苦衷也反覆曲折評味不盡五六語麗清  
常懷艷

唐書鄜州交洛郡屬關內道江淹詩煉藥照虛幌五篇蜺帷慢也

春望

國破山河在城春艸木深感時花濺淚恨別鳥驚

心烽火連三月家書抵萬金白頭搔更短渾欲不

勝簪

拾遺記漢獻帝為李傕所敗后以淚灑帝衣魏文書價越萬金鮑照詩白髮零落不勝簪

喜達行在所三首在鳳翔

獨斷天子以四海為家謂所居為行在所

卷十



西憶岐陽信無人遂却迴眼穿當落日心死著寒

灰霧樹行相引蓮峯望忽開所親驚老瘦辛苦賊

中來首章喜脫賊中次章喜見人主三

本集注岐陽即鳳翔在長安之西舊注蓮峯指華州蓮花峯趙次公作連山後漢書注所

親素所親在也曹植詩果得心所親

愁思胡笳夕淒涼漢苑春生還今日事間道暫時

人司隸章初觀南陽氣已新喜心翻倒極嗚咽淚

霽巾問道本漢書謂伺隙之道而行

光武紀更始以帝行司隸校尉置官屬作文移一如舊章又望氣者蘇伯阿為王莽使至南陽遙見望春陵郭曄曰氣佳哉鬱鬱鬱鬱

葱葱本集注翻創翻意為悲也

死去憑誰報歸來始自憐猶瞻太白雪喜遇武功

天影靜千官裏心蘇七校前今朝漢社稷新數中

興年中興讀音眾猶當也喜達行在三首收京三首有感五首皆根本節目之大者不宜去

取

輿圖記太白山甚高上常積雪無草木唐書鳳翔府郿縣有太白山長安志京兆武功縣以武功山得名荀子古者天子千官漢書京師有南北軍屯至武帝平百越內增七校

收京二首

仙仗離丹極妖星照玉除須為下殿走不可好樓

居暫屈汾陽駕聊飛燕將書依然七廟畧更與萬

方初前半言陷京之由後半言更新氣象三語謂離宮闕也四語見奉仙無益也六語計河北

卷十



易定也。難顯然直。

故出以隱語。梁武紀諺云：熒惑入帝斗，天子下殿走，乃跳足。

下殿以禳之。漢武公孫卿以仙人好樓居。於是合長安作飛廉，桂館甘泉，作益壽延壽觀。

然喪其天下焉。史記燕將攻下聊城，田單攻之，不下。仲連乃為書約之，矢射城中，遺燕將燕將見書泣而自殺。

生意甘衰白，天涯正寂寥。忽聞哀痛詔，又下聖明

朝羽翼，懷商老。文思憶帝堯，叨逢罪已日。灑涕望

青霄。商老望李泌調護。太子帝堯謂上皇。

稽康養生論：積損成衰，從衰得白。從白得老。注：白謂白髮。漢西域傳：武帝棄輪臺，下哀痛之詔。舊書肅宗還京十一月朔，御丹鳳樓下制。日早承聖訓，常讀禮經，義切奉先，恐不負荷上

櫻

二月朔下制大赦，依注肅宗即位，靈武制書大赦二年十月還京，御丹鳳樓下制。前後兩次闕詔，故云又下。不上皇，則京十三月甲寅之赦。又在其後，舊注錯引。高老為太子羽翼，見卷六李詩。遂於位讓於虞舜。帝堯聰明，文思光宅。天下將湯罪已之養。

汗馬收宮闕，春城鏢賊壕。賞應歌杖村，歸及薦樓

桃。雜虜橫戈數，功臣甲第高。萬方頗送喜，無乃聖

躬勞。此收京而為事後之慮也。恐虜橫臣驕復成蹂躪跋扈之勞。反詞致諷。言外可思。

詩序：秋社，勞還役也。月合仲夏之月，天子乃以繼營委羞，以合桃。先薦寢廟。注：會桃櫻桃。

郭欽疏：徙內郡雜虜於邊地。庚肩吾詩：橫戈念北奔。甲第第宅也。易林：謳歌送客。



常時任顯晦。秋至最分明。縱被微雲掩。終能永夜清。含星動雙闕。伴月落邊城。牛女年年渡。何曾風浪生。

端午日賜衣

風上記仲夏端午謂五月五日也俗重是日與夏至同

宮衣亦有名。端午被恩榮。細葛含風軟。香羅疊雪輕。自天題處溼。當暑著來清。若來清意內。稱長短。終身荷

聖情

郡注宮衣宮人所製衣舊注亦有名謂亦與賜衣之列有名字也謝莊詩疊雪翻瓊蕊孔稚圭表斷自天筆漫叟詩話和詩自天題處溼當暑著來清自天當暑乃全語也

春宿左省

花隱掖垣暮。啾啾棲鳥過。星臨萬戶動。月傍九霄多。不寢聽金鑰。因風想玉珂。明朝有封事。數問夜如何。三四郎景名句而詩釋家謂民勞財星動月如何屬陰象指女子小人以峭刻深心測詩人敦厚之旨一何可笑

劉楨詩隔此西掖垣黃庭經王忠金鑰常完張華詩乘馬鳴玉珂光武紀詔百僚俱上封事漢儀密奏皂囊赴殿故曰封事唐書補闕拾遺掌供奉諷諫大事廷諍小則上封事

送翰林張司馬南海動碑

未集注唐制翰林無司馬張或是鐫工少精者南海屬嶺南

冠冕通南極。文章落上台。詔從三殿去。碑到百蠻



殿

開野館濃花發春帆細雨來不知漏海上天遣幾

時廻

江賦謂南極窮東荒晉天文志三台六星西近文昌二星曰上台為司命次二星曰中台為司中東二星曰下台為司祿三殿見前卷杜審言詩

晚出左掖

畫刻傳呼淺春旗簇仗齊退朝花底散歸院柳邊

迷樓雪融城溼宮雲去殿低道人焚諫草騎馬欲

雞棲樓在城上故雪融而濕

陸倕新漏刻銘衛宏載傳呼之節注衛著漢儀使夜漏視宮衛傳呼以為備晉羊祜侍嘉謀議議皆火其草故世莫詩誰懷于時日之夕矣

共

奉贈王中允維

中允聲名久如今契闊深其傳收庾信不比得陳

琳一病緣明主三年獨此心窮愁應有作試誦白

頭吟舊唐書天寶末維歷官給事中扈從不及為賊所得服藥取病詐稱瘡病祿山素憐之遣

人迎至洛陽拘于普施寺追以偽署賊平陷賊官六等定罪維以疑碧詩聞於行在肅宗特宥之責

授太子

梁書侯景之亂簡文帝使庾信營於朱雀航景至信以衆奔江陵元帝承制除信御史中丞

魏志陳琳避難冀州袁紹使典文章袁氏敗琳

孤而巳何乃上及

秦州雜詩四首

卷十

二七



寰宇記秦州秦隴西郡唐書秦州在京師西七百八十里

滿目悲生事因人作遠遊遲迴度隴怯浩蕩及關

愁水落魚龍夜山空鳥鼠秋西征問烽火心折此

淹留魚龍川鳥鼠谷皆秦地

南使宜天馬由來萬匹強浮雲連陣沒秋草徧山

長聞說真龍種仍殘老驄驢哀鳴思戰鬪迴立向

蒼蒼殘餘也與山中漏葑屋漏宇

西京雜記文帝有良馬九匹一口浮雲楮

莽莽萬重山孤城山谷間無風雲出塞不夜月臨

關屬國歸何晚樓蘭斬未還煙塵獨長望衰颯正

閱

摧顏奇景偶然焉出或以無風不夜為

蘇武出使拜為典屬國傳介

鳳林戈未息魚海路常難候火雲烽峻懸軍幕井

乾風連西極動月過北庭寒故老思飛將何時議

築壇夔亂而思良將也時郭子儀以魚

唐書鳳林縣屬河州又王維克吐蕃魚海上

蜀志鄧艾伐蜀懸軍深入易并收勿幕上

庭高帝紀王齋戒設壇塲拜韓信為大將軍

月夜憶舍弟

戍鼓斷人行邊秋一雁聲露從今夜白月是故鄉

明有弟皆分散無家問死生寄書長不達况乃未

卷十

六

過



休兵

搗衣

亦知戍不返秋至拭清砧已近苦寒月况經長別  
心寧辭搗衣倦一寄塞垣深用盡閨中力君聽空  
外音通首代戍婦之詞一氣旋折全以神行

送遠

何等起手讀杜詩要從此種著眼  
帶甲滿天地胡為君遠行親朋盡一哭鞍馬去孤  
城草木歲月晚關河霜雪清別離已昨日因見古  
人情此既別後作詩贈之江淹擬古別離有送君如昨日簷前露已暸句言別離之情古今有同悲也

投

天末懷李白

時李流寓夜郎

貴州導義府

起超忽

涼風起天末君子意如何鴻雁幾時到江湖秋水

多文章憎命達魑魅喜人過川州原李投詩應共冤魂語投詩贈

汨羅

左注魑山神獸形魑怪物後漢審配書冤魂痛於幽冥史記屈原投汨羅以死一統志汨羅在長沙湘陰縣北

觀安西兵過赴關中待命

通鑑乾元元年六月李嗣業為懷州刺史充鎮西北庭行營節度使八月同郭子儀等將步騎二

奇兵不在眾萬馬救中原談笑無河北心肝奉至

卷十



尊孤雲隨殺氣飛鳥避轅門竟日留歡樂城池未

覺喧

通首美李嗣業也九節度兵潰于相州因不善出奇耳起句豈經生家言

唐書河北道領孟懷魏博相衛貝涇等二十九州時安慶緒據相衛

送人從軍

弱水應無地陽關已近天今君渡沙磧累月斷人

煙好武寧論命封侯不計年馬寒防失道雪沒錦

鞍韉

西方地高故云近天岑參亦云走馬西來欲到天又云過磧聲天低五六悲壯通體皆振

野望

清秋望不極迢遞起層陰遠水兼天淨孤城隱霧

深葉稀風更落山迴日初沉獨鶴歸何晚昏鴉已

滿林

春夜喜雨

好雨知時節當春乃發生隨風潛入夜潤物細無

聲野徑雲俱黑江船火獨明曉看紅溼處花重錦

官城

知時節節所云蓋雨既霽也三四傳出春雨之神

江亭

坦腹江亭暖長吟野望時

不着理語自是理趣水流心不競雲在空俱

遲寂寂春將晚欣欣物自私

與上六句似不合

裁詩

卷十



後遊

寺憶曾遊處橋櫺再渡時江山如有待花柳更無

私野潤煙光薄沙暗日色遲客愁全為滅捨此復

何之物自私物各遂其性也

不見原注近無李白消息

不見李生久佯狂真可哀世人皆欲殺吾意獨憐

才敏捷詩千首飄零酒一盃匡山讀書處頭白好

歸來

客亭

秋窗猶曙色落木更天風日出寒山外江流宿霧

中聖朝無棄物老病已成翁多少殘生事飄零似

轉蓬比不才明主棄藉何如

有感五首

將帥蒙恩澤兵戈有歲年至今勞聖主何以報皇

天白骨新交戰雲臺舊拓邊乘槎斷消息無處覓

張騫錢箋李之芳使吐蕃被留經年故以張騫

後漢書永平中顯宗追感前世功臣乃圖畫二十八將於南宮雲臺漢張騫傳騫以鄴應募

使月氏經匈奴匈奴留

關前餘地豕乾坤尙虎狼諸侯春不貢使者日相

望慎勿吞青海無勞問越裳大君先息戰歸馬華



山陽

此言朝廷姑息近在內地不修貢職而勤遠

木集注地不指河北降將虎狼指吐蕃羌夷

朱注青海指吐蕃越裳指南詔

洛陽天下之口宜轉粟不

洛下舟車入天中貢賦均日聞紅粟腐寒待翠華

春莫取金湯固長令宇宙新不過行儉德盜賊本

王臣時程元振勸帝遷都洛陽公婉言以諷之大

宙新此程元振議也公謂莫用遷都不過

力行儉德盜賊自服耳後半四語直

史記成王使召公復營洛邑曰此天下之中四

相因腐敗而不可食書慎乃儉德

丹桂風霜急青梧日夜凋由來強幹地未有不臣

朝受鉞親賢往卑官制詔遙終依古封建豈獨聽

簫韶桂北王室用漢成帝時童謠梧比宗藩用上

煇臣與坊壇建分

漢光武紀丁恭議曰古者封建諸不過百里強

此即親賢授錢之制詔也時上皇初幸蜀中行

宮草制故

盜滅人還亂兵殘將自疑登壇名絕假報主爾何

絕異於假攝也

遲領郡輒無色之官皆有詞願聞哀痛詔端拱問

瘡痍因當時重節制而輕郡守故

漢書蕭望之便道之官



滕王亭子

唐書滕王元婴白壽州刺史移隆州後  
避諱改閬州亭在閬州玉臺觀內王嘗  
遊憩于此

寂寞春山路君王不復行古牆猶竹色虛閣自松聲  
鳥雀荒邨暮雲霞過客情尙思歌吹入千騎把  
霓旌

暫往白帝復還東屯

一統志東瀼水公孫述於東濱墾稻田號東屯

復作歸田去猶殘獲稻功築場憐穴蟻拾穗許村童  
之利音落杵光輝白除芒子粒紅加餐可扶老倉廩慰

飄蓬三四佛心王政兼而有之

移居公安山館

原注途次所作

唐書公安縣屬江陵府杜臚公安山在荊州東南七十里

南國晝多霧北風天正寒路危行木杪身遠宿雲  
端山鬼吹燈滅厨人語夜闌雞鳴問前館世亂敢

求安

江漢

江漢思歸客乾坤一腐儒片雲天共遠永夜月同  
孤落日心猶壯秋風病欲蘇古來存老馬不必取

長塗



韓非子桓公伐孤竹逃或失道管仲曰老馬之智可用也乃放老馬而隨之遂得道焉

禹廟

方輿勝覽禹祠在忠州臨江縣南過岷江一里

禹廟空山裏秋風落日斜荒庭垂橘柚古屋畫龍

蛇雲氣生虛壁江聲走白沙早知乘四載疏鑿控

三巴橋柚龍蛇孫莘老謂點染禹事並非附會未意乘四載以治水早知之矣若疏鑿遺蹟必觀至三巴始知控引之方也

善傳四載水乘舟陸乘車泥乘輜山乘標

旅夜書懷

細草微風岸危檣獨夜舟星垂平野闊月湧大江

流名豈文章著官應老病休飄飄何所似天地一

沙鷗脚康經濟故云名豈以文章而著官以論事罷而云老病應休立言之妙如此

落日

起超然落日在簾鉤溪邊春事幽芳菲綠岸圍樵爨倚灘

舟暝雀爭枝墜飛蟲滿院遊濁醪誰造汝一酌散

千愁

史記樵蘇後爨

刈稻了詠懷

稻穫空雲水川平對石門寒風疎落木旭日散雞

豚野哭初聞戰樵歌稍出村無家問消息作客信

卷十

草

吟



唐

乾坤

瞿塘兩岸

方輿勝覽云兩崖對峙中貫一江望之如門

三峽傳何處雙崖壯此門入天猶石色穿水忽雲根猿獼鬚髯古蛟龍窟宅尊義和冬馭近愁畏日

車翻三語狀其高四語狀其深結意言兩崖插天日光不到義和亦畏日車之翻而避之也

三峽在夔州名無定說舊注瞿塘乃三峽之門爾雅獼善援獼善顧

洞房

洞房環珮冷玉殿起秋風秦地應新月龍池滿舊宮繁舟今夜遠清漏往時同萬里黃山北園陵白

露中

此因舟中見月感宮掖淒涼而作詩中無悲涼痛楚字面而情致黯然一結尤覺淚和墨

長門賦徂清夜於洞房曹植詩歡坐玉殿唐會要明皇在藩邸居興慶里有龍池湧出日以浸廣漢書右扶風槐里縣有黃山宮

江上

江上日多雨蕭蕭荆楚秋高風下木葉承夜攬貂裘勳業頻看鏡行藏獨倚樓時危思報主衰謝不能休

夜

絕岸風威動寒房燭影微嶺猿霜外宿江鳥夜深

卷十

三五



飛獨坐親雄 劍哀歌歎短衣 煙塵繞閭闔 白首壯心遠

吾宗 原注 衛倉 曹崇簡

吾宗老孫子 質朴古人風 耕鑿安時論 衣冠與世同 在家常早起 憂國願年豐 詔及君臣際 經書滿腹中

周書王褒傳時論安之 內經早卧早起與雞俱興 後漢趙壹傳文籍雖滿腹不如一囊錢

遺憂

通鑑廣德元年吐蕃入寇程元振皆不以聞十月上方治兵吐蕃已度便橋上出幸陝州吐蕃入長安

亂離知又甚 消息苦難真 受諫無今日 臨危憶古人 紛紛乘白馬 攘攘著黃巾 隋氏留官室 焚燒何

太頻 三四語 卽嶺山 亂而思 曲江意

劇談錄明皇幸蜀妃子既死一日登高山望秦川謂高力士曰吾取張九齡言不至於此遣使祭之吹笛為曲號謫仙怨 盧注是年四月郭子儀數為上好言吐蕃黨項不可忽宜早為之備上矧於和好不納至還京勞子儀曰用卿不早亦已晚矣代宗之勞子儀猶明皇之思九齡也 公不忍明言故託之古人 白馬侯景事黃巾張角已見

熟食 日示宗文宗武 熟食卽 寒食

消渴游江漢 羈棲尙甲兵 幾年逢熟食 萬里逼清明 松柏邛山路 風花白帝城 汝曹催我老 廻首淚



縱橫。

史記司馬相如常有消渴疾。杜臆。熟食日。清。明在次日。淮南子。春分後十五。日斗指乙。為清。在蜀。馬援書。願汝曹效之。

又示兩兒

令節成吾老。他時見汝心。浮生看物變。為恨與年

深。長葛書難得。江州涕不禁。團圓思弟妹。行坐白

頭吟。

本集注。令節指寒食。書長葛屬許州。

孤雁

孤雁不飲啄。飛鳴聲念羣。誰憐一片影。相失萬重

雲。望盡似猶見。哀多如更聞。野鴉無意緒。鳴噪自紛紛。

促織

爾雅釋蟋蟀。一名蟀。今促織也。古今注。促織一名梭織。莎織。一名絡緯。

促織甚微細。哀鳴何動人。草根吟不穩。牀下夜相親。久客得無淚。故妻難及晨。悲絲與急管。感激異

天真。五六工于用虛若字字粘着所謂作詩必此。非詩人不免東坡之誦矣。天真指

促織言非絲管所能同也。朱買臣傳。故妻與夫家。見買臣饑寒呼飯之。

蕃劍

卷十



致此自僻遠。又非珠玉裝。如何有奇恠。每夜吐光芒。虎氣必騰上。龍身寧久藏。風塵苦未息。持汝奉

明王。不粘不脫寫一物而全副精神皆見他人詠物斤斤尺寸惟恐失之此高下之分也

魏文書僕有劍一枚明珠標首藍玉飾靴

越春秋闔閭死葬以扁諸之劍金精上揚為白虎据其上號曰虎王

子規

峽裏雲安縣。江樓翼瓦齊。兩邊山木合。終日子規

啼。眇眇春風見。蕭蕭夜色凄。客愁那聽此。故作傷

人低。

善書雲安縣屬夔州 夢弼曰 翼瓦謂簷宇飛揚如鳥之張翼

喜觀卽到復題短篇

卽到尙未到也 玩詩中意自見

巫峽千山暗。終南萬壑春。病中吾見弟。書到汝爲

人意。蒼兒童問來。經戰伐。新泊船。悲喜後。欸欸語

歸秦。

巫峽在蜀終南在秦 神仙傳蘇子訓隨主人 意蒼乃不同也 淮南子悲喜轉而相生 在

助詩何因送欸 欸半飲棹中淥

第五弟豐獨在江左。近三四載寂無消息。

覓使寄此。

聞汝依山寺。杭州定越州。風塵淹別日。江漢失清

秋。影著啼猿樹。魂飄結蜃樓。明年下春水。東盡白



雲求

唐書杭州餘杭郡越州會稽郡俱屬江南西道  
陳藏器本草車螯是大蛤一名蜃能吐氣為  
樓臺海中春夏間依  
約島淑常有此氣

公安縣懷古

野曠呂蒙營江深劉備城寒天催日短風浪與雲  
平灑落君臣契飛騰戰伐名維舟倚前浦長嘯一

含情灑落二字形得歡  
如魚水意出結鬆

寰宇記公安縣有孱陵城上三州志吳大帝封  
呂蒙為孱陵侯即此地名勝志公安縣北二十  
五里有孱陵縣人山水縣故治城王莽更名孱陵  
東至孱陵縣人山水縣故治城王莽更名孱陵  
劉備孫夫人權妹也又更修之其城背油向澤  
荆川記吳人帝推劉備為在將軍荆州牧鎮油

口即居此城時人號為  
左公故名其城公安也

泊岳陽城下

江國踰千里山城僅百層岸風翻夕浪舟雪灑寒  
燈留滯才難盡艱危氣益增圖南未可料變化有  
鯢鵬

太史公自序留滯周南不得與封禪之  
事莊子鵬化為鵬而後乃今圖南

登岳陽樓

昔聞洞庭水今上岳陽樓吳楚東南拆乾坤日夜  
浮親朋無一字者病有孤舟戎馬關山北憑軒涕  
泗流三四雄跨  
今古五六寫情點淡著此一聯方  
孟襄陽三四語實寫洞庭此只用

卷十



空寫却移他處  
不得本領更大

岳陽樓臨洞庭湖  
史記趙世家地坼東南

嚴武

字季鷹

華州人。中書侍郎挺之子。冠哥舒翰奏充判官。至德中累遷

劍南東川節度使。成都尹。劔南節度使。廣德中破吐蕃封

公

班婕妤

賤妾如桃李。君王若歲時。秋風一已勁。搖落不勝

悲寂寂。蒼苔滑。沉沉綠草滋。繁華非此日。指華競

何辭

漢外戚傳班婕妤初入官大幸後趙飛燕妬弟  
驕妬婕妤好恐久見危求供養太后長信

婕妤好怨歌行初裂齊絃素皎潔如霜雪裁成合  
歡扇團團似明月出入君懷袖動搖微風發常  
恐秋節至涼飈奪炎熱棄捐篋箠中恩情中道  
絕又傷悼賦華殿塵兮玉階苔中庭蕪兮綠  
草生漢外戚傳成帝遊于後庭欲與班婕妤  
同輦載使仔辭曰觀古圖畫賢聖之君皆有名  
臣在側三代末主乃有嬖女今  
欲同輦得無近似乎上善其言

張巡

南開人以文行名成進士授清河令

陽太守許遠分城堅守經年乏食忠義不哀  
城陷與南霽雲諸人俱遇害論者謂遮蔽紅  
淮沮遏賊勢使李郭得以成功天下  
之不亡皆巡遠之力也是為篤論

聞笛

崑崙試一臨。虜騎附城陰。不辨風塵色。安知天地  
心。門開邊月近。戰苦他雲深。且夕更樓上。遙聞橫

卷十



笛音一片忠義之氣滾出關笛意一點自足

非一開一闕語也宋賢謂伯夷叔齊欲與天意違均正復相合

蔡文姬胡笳曲胡風夜夜吹邊月天宮書陣雲如立垣

那巨詳

### 遊春

海岳三峯古春臯二月寒綠潭漁子釣紅樹美人

攀弱蔓環沙岫飛花點石關溪山遊未厭琴酌弄

晴灣



